

文

415.2

895



Handwritten vertical text on the right edge of the page, likely a library or collection identifier.

須溪詞

目錄

望江南

調三

南鄉子

調三

如夢令

江城子

調四

點絳脣

調五

浣溪沙

調六

攤破浣溪沙

調二

霜天曉角

調十

卜算子

調二

菩薩蠻

調六

好事近

調一

謁金門

調三

長相思

憶秦娥

調三

西江月

調三

清平樂

調二



歸國遙

昭君怨

浣溪沙

減字木蘭花

小花子

柳梢春

南歌子

朝中措

太常引

玉樓春

烏夜啼

行香子

品令

鵲橋仙

一剪梅

夜飛鵲

疎影

摘紅英

千秋歲

捉拍醜奴兒

最高樓

桂枝香

嘉惠堂鈔本

臨江僊

鷓鴣天

青玉案

踏莎行

燭影搖紅

念奴嬌

乳燕飛

瑞鶴山

高陽臺

聲聲慢

漢宮春

洞仙歌

齊天樂

江城梅花引

蘭陵王

瑣窗寒

歸朝歌

大聖樂

寶鼎現

祝英臺近

憶舊遊

唐多令

虞美人 調十一

戀繡衾 調三

花犯 調二

酹江月 調九

滿江紅 調三

平聲滿江紅

八聲甘州 調六

水龍吟 調七

燕春臺

掃花遊

憶江南

梅花引

蝶戀花 調二

霓裳中序第一

瑞龍吟

滿庭芳 調二

木蘭花慢 調二

永遇樂 調二

內家嬌

六州歌頭

六醜

百字令 調二

嘉惠堂鈔本

鷓鴣啼序 調三

沁園春 調七

法駕道引 調十

水調歌頭 調三

金縷曲 調三

摸魚兒 調八

嘉惠堂鈔本

須溪詞

望江南

晚晴

宋 劉辰翁

朝朝暮暮雲雨定何如花日穿窻梅小小雪風灑雨柳
疎疎人唱晚晴初

又

春悄悄春雨不須晴天上未知燈有禁人間轉似月
無情村市學簫聲

又

秋日景

梧桐子看到月西樓醋醖橙黃分蟹殼麝香荷葉剝
雞頭人在御街遊

梧桐子在御街遊鳳宿雲綃金縷帶龍池翠帳玉
香迷宮女後庭秋

雙調望江南賦所見

長欲語欲語又蹉跎已是厭聽夷甫頌不堪重省越
人歌辜負水雲多羞拂拂懊惱自摩挲殘獨不教
人徑去斷雲時有淚相和恨恨欲如何

又壽謝朋

前之夕織女渡河邊天上一朝元五日人間小住亦
千年相合降神僊當富貴掩鼻正高眠欲語會稽
仍小待不知文舉更堪憐蔗境在頑堅

又壽趙廬

嘉惠堂鈔本

添一歲減一歲愁眉苦待一生婚嫁了更須采藥十
年逢婚嫁已隨時東家者俎豆伴兒嬉幸自少年
場屋了誰能掬浙數還炊千歲是靈龜

又胡盤居生日

盤之所春蝶舞晴萱溪傍野梅根種玉牆圍修竹筍
生鞭深院待回僊嘉熙好四十二年前猶記五星
丁卯聚更遲幾歲甲申連快活共千年丁酉生奎其名

又壽王秋水

齊眉舉綵侍紫霞巵天上九朝鳧冉冉尊前一笑玉
差差人唱自家詞籬下菊醉把一枝枝花水乞君
三千斛秋風記得一聯詩留看晚香時

雪

又壽張粹翁

七日後重會是星前二月之間渾似此餘年何止萬
三千日擬醉華筵 歌白雪除是霜兒傳看取長生
瓢屢倒眼前橋粟朮何玄自唱鵲橋僊

南鄉子 乙酉九日

覓處畧從容華水華山自不同舊日諸賢攜手恨匆
匆只說明年甚處重 幾歲避遼東茅竹秋風一併
空欲望遼東何處是濛濛也似秦樓一夢中

又 木犀花下因憶永陽宣溪與故鄉族子門逕之盛而其人皆適在此感歎復賦

香雪碎團團便合枝頭帶露餐笑倒那人和玉屑金
丹不在僊人掌上盤 千樹碧闌干山崦朱門夢裡

嘉惠堂鈔本

梨

殘花下主人都在此誰看天上人門一樣寒

又 即席紀遊

去似賞花移處處開樽亦不辭梨粟又空醅又盡方
知舊日驪駒勸客歸 歸路月相隨兒子門生箇箇
遲生久不知無可待堪疑向道兒癡直是癡

浪淘沙 秋夜感懷

無葉著秋聲涼鬢堪驚滿城明月半窗橫惟有老人
心似醉未曉偏醒 起舞故無成此恨難平正襟危
坐二三更除却故人曹孟德更與誰爭

又 大風作

捲海海翻杯傾動蓬萊似嫌到處馬頭埃雨洗御街

仄

是

困

流到吹吹向潮回 寒似雪天梅安石榴開繡衾重
煖笑爐夾料想東風還憶我昨夜歸來

又感有

無謂兩眉攢風雨春寒池塘小小水漫漫只為柳花
無一點忘了臨安 何許牡丹殘客倚屏看小樓面
面如春山日暮不知春去路一帶欄干

如夢令 題四美人畫

比似尋芳嬌田不是弓彎拍袞無物倚春慵三寸襪
痕新緊羞褪羞褪忽忽心情未穩履
寂歷柳風斜倚錯莫夢雲難記花影為誰重一握鮫
人絲淚何事何事歷歷臉潮羞起腮

嘉惠堂鈔本

睡眼青陰欲午當戶小風輕暑倦近碧欄干斜影却
扶人去無緒無緒落落一襟輕舉

落葉西風滿地獨宿瓊樓丹桂孤影抱蟾寒寄與月
明千里休寄休寄粟粟藥珠心碎

江城子 西湖感懷

湧金門外上船場湖山堂衆賢堂到處淒涼城角夜
吹霜誰識兩峯相對語天慘慘水茫茫 月移疎影
傍人牆怕昏黃又昏黃舊日朱門四望暗飄香驛使
不來春又老南共北斷人腸

又興春

一年春事幾何空杏花紅海棠紅看取枝頭無語怨

天公幸自一晴晴又暖三日雨五更風
中到城中望水東說盡閒情無日不匆匆昨日也同
花下飲終有限不曾濃

又和默軒
初度韻

書題拂拂洞庭香
孕雲黃紫珠光喚謫仙人除是賀
知章未老得間間到老無一事和詩忙
雙送千觴樂誰妨世上輸贏不似爛柯長
晚入耆英年最少空結客少年場

又海棠花下
燒燭詞

紅歌醉袖帶闌干夜將闌去誰拚燒蜜調蜂重照錦
團樂春到洞房深處暖方知道月宮寒
枝枝紅淚

嘉惠堂鈔本

不曾乾背人彈語羞檀欲睡心情一似夢驚殘
政自朦朧花下好銀燭裏幾人看

點絳脣
梅瓶

小閣橫窗倩誰畫得梅梢遠那回半面曾向屏間見
風雪空山懷抱無荀倩春堪戀自羞片片更逐東
風轉

又和訪
梅

一雪蹉跎蹇驢不載吟鞭去夜聽風雨踏雪差無苦
待得花晴總是遊人處梅應許小橋延佇蜂蝶先
成路

又寄
情

醉裏憎騰昨宵不記歸時候自疑中酒耿耿還依舊
恨不能言只是天相負天知否卷中人瘦一似章
臺柳

又

和鄧中甫晚春

燕子池塘亂紅過盡鞦韆晚絮飛欲倦正是簾初捲
睡起無情猶到天涯遠羞勻面乍驚紅淺夢自無
人見

又

題畫

藕指春寒隴禽一片飛來雪無言可說暗吟相思絕
隻影年深也作關山別翻成拙落花時節倩子規
聲絕

嘉惠堂鈔本

虹玉橫簫纖纖指按新聲作參差重約昨夜梁伊錯
幾許閒愁品字都忘却沉吟覺一聲哀角滿院殘
花落

浣溪沙

三月三日

高臥何須說打乖小籬過雨翠長街細桃定有踏青
鞦晴日又思花處所東風絕是柳情懷人間安得
酒如淮

又

壬午九日

身是去年人尚健心知十日事如常眼前杯酒是量
陽破帽簷萸携素手長歌藉草慰寒香兒童怪我
老來狂

又虎溪
春日

春日春風掠鬢鬢亂山相對擁寒爐彩鞭金勝一時
無自縷青絲成細柳更堆殘雪當凝酥兒童且莫
唱皇都

又壽陳敬
之推官

身是高人欲寢冰引年可待進豨苓無憂無患也身
輕雪裏放囚天亦喜平安騎鶴到家庭今年春早
為長生

又闕
題

十日千機可復諧郭郎感運豈仙才人間自是少行
媒直上扶搖須九萬滿前星斗共照回又傳賈客

嘉惠堂鈔本

向曾來

又

暮暮相望夕甫諧針樓巧巧似身材下頭無數老人
媒昨夜竹林那得見朝來乾鵲是空回人間五日
後能來

攤破浣溪沙

潭上
夜歸

醉裏微寒著面醒天風不展帽敬傾行過溪深松雪
下夜三更白白野田鋪似月縱縱沙路踏如冰不
見剡溪三百面一舟橫

又

淡淡胭脂淺著梅溫菜不上避風臺若比杏桃真未

識奪銀胎 汗面拭來慵傅粉酒香濃後暗潮腮嬌
嫩不應醒似醉倩誰猜

霜天曉角

初春即事

柳梢欲雪十里烟明滅曲曲欄干轉影教人憶夜來
月 家人相對說燈花還又結凍月村村鼓鼓終不
似上元節

又

中秋對月

烏雲汗漫濁浪翻河漢過盡千重魔障堂堂地一輪
滿 秋光還又半簷聲初漏斷不管滿身花露已辦
着二更看

又

和中齋九日

嘉惠堂鈔本

騎臺千騎有菊知何世想見登高無處准以北似平
地 老來無復味老來無復淚多謝白衣迢遞吾病
矣不能醉

又

樓下梅一株經冬無一花春半忽開一萼梢頭出萬紅中因賦之

經年寂寞已負花前約忽向紅梅側畔開點雪有人
覺 不開何似莫百梢纔一萼却問壽陽宮額兩三
藥怎能着

又

壽吳蒙卷

矍然如竹自是天仙福小小畫堂錦樣聽人唱鶴飛
曲 橙橘黃又綠蟹到新菊熟便做月三十斛致不
盡菊潭菊

又壽陳敬之

朝來微雪又近長生節造就一枝清絕梅與雪怎分別
兩年心似月除是天知得手種春風千樹一顆
顆待兒摘

又壽張古巖

明年七十歌彩橋僊夕見說嚴君平道年年是月初
一 同時同里密後今今又昔便做伏生年紀也未
到蹇吃吃

又壽賈教

良霄七七又近中元日橋上老人有約後五日重來
覓 嬋娟銀海出木犀新雨濕惟有延年劍氣箕斗

嘉惠堂鈔本

外廣寒通

又壽蕭靜安時歸永新

歸來把菊春甕今朝熟苦苦留君不得攜孺子到汾
曲 廬山真面目水清還映玉長笑歐公老嬾君且
住飲螺綠其子昏燕氏

又壽康曜山

問春來未也似辛壬癸如此男兒五十又過却孔融
二 畫堂孫子子新桃如故壘不管明朝後日春滿
眼是千歲

卜算子翫

不是重看燈重見河邊女長是蛾兒作隊行路轉風

吹去 十載廢元宵滿耳番腔鼓欲識尊前太守誰
起向尊前舞

又 壽郡

蚤已是三年父老依依借願與天公借幾年保我雞
豚社 治中心似佛治中心似日人祝治中千歲似
翁福似翁德

菩薩蠻 秋興

芭蕉葉上三更雨人生只合隨它去便不到天涯天
涯也是家 屏山三五疊處處飛蝴蝶正是菊堪看
東籬獨自寒

又 湖南道中

嘉惠堂鈔本

黃雞喔喔催人起困不成眠窗似水清露不曾寒朝
來起自難 家人當睡美又憶歸程幾不管濕闌干
芙蓉花自看

又 春曉

畫梁語透簾櫳曉折桐風送楊花老細雨綠陰寒羅
襟只似單 青門三里道箇箇遊芳草比似嫁來看
踏青難更難

又 春日山行

江波何似西湖曲村煙相對峰南北何處不青青
青是漢瑩 長亭芳草路寒食誰家暮舊日厭殘紅
人行九里松

瑩

又送春

殷勤欲送春歸去白首題將斷腸句春去自依依欲歸無處歸天涯同是寓握手留春住小住碧桃枝桃根不為誰

又題醉道人圖

八仙名姓當時少汗尊牛飲同傾倒惟有我公榮旁人笑獨醒多年村落走泥飲無升斗入了玉門關人生一醉難

好事近

中齋會念賜詞俾壽不勝歲寒兄弟之意

後百年間元度自傷來暮打破虛空無礙共乘龍飛去更參末後句如何此事未能付前遇小橋風雪

嘉惠堂鈔本

是君詩成處

謁金門

風乍起約巽吾同賦海棠

嬌點點困倚春光欲軟滴盡守宮難可染濃欺紅燭豔寂寂露珠啼臉翠袖不禁風颭芳徑相逢驚笑靨日長初睡轉

又和巽吾重賦海棠

花露濕紅淚裊成珠粒比似昭陽思未得睡來添醉色一笑嬌波滴滴再顧羞潮拂拂恨血千年明的礫千年人共憶

又和巽吾海棠賦

遊賞競看取落紅陣陣花睡不成嬌似病春寒空受

盡 舊日不知繁盛欲飲如今無興恨滿東風無綠
鬢東風還自恨

長相思

喜晴

上元晴上元晴待得晴時坐觸屏山禽三兩聲 欲
歸城未歸城見說城中處處燈明年處處行

憶秦娥

中齋上元客散感舊賦秦娥見屬
一續凄然隨韻寄情不覺悲甚

燒燈節朝京道上風和雪雪和風江山如舊朝京人
絕 百年短短興亡別與君猶對當時月當時月照
人燭淚照人梅髮

又

昨初次又作收燈節未遣早見古
巖四疊又得中齋別梅遂并寫寄

驚雷節梅花冉冉滅城雪消城雪一年一度為君腸

嘉惠堂鈔本

消

絕 古人長恨中年別除年又過新正月新正月不
堪臨鏡不堪垂髮

梅花節白頭臥起餐瓊雪餐瓊雪上林雁斷上林書
絕 傷心最是河梁別無人共拜天邊月天邊月一
尊對影一編殘髮

收燈節霖鈴又似鼇山雪鼇山雪今宵清絕今宵愁
絕 老人似少終然別癡癡更望春三月春三月花
如人面自羞余髮

又

為曹氏
脂閣歎

春如昨曉風吹透臘脂閣臘脂閣滿園芳草冷煙城
郭 青山淚盡樓頭角佳人夢斷花間約花間約黃

昏細雨一枝零落

西江月

新秋
寫興

天上低昂似舊人間兒女成狂
夜夜處處試新粧却
是人間天上
不覺新涼似水相思兩鬢如霜
夢從
海底跨枯桑閱盡銀河風浪

又
仙憶

曾與回翁把手自宜老子如龍
懷胎不敢問春冬等
待鞭鸞答鳳
昨夜又逢黃石今朝重叩鴻濛
碧桃花下醉相逢說盡鵬遊蝶夢

又

石奇儀嘗授吾奇門式局以
為兵法至要日持扇圖自衛

玉帳傳心如鏡青龍繞指成輪
塵中多少白頭人乾

嘉惠堂鈔本

裏尋壬難認
世事說來都了鬼神見也須
嗔迷槎
問我是何津向道先生書困

清平樂

榴石

深紅半面一似牆頭見草樹池
塘青一片獨倚闌干
幾遍
更誰絳袖朱唇火雲相對
英英笑殺牡丹正
午離披不任看承

又
壽某

君詞為壽絕妙孫辛婦但恨
盃無露添酒空等待梅
花久
喜名白首還玄人間合信
天緣如此相從至
此我亦何倦餘年

歸國遙

暮春
遣興

初雨歇照水綠腰裙帶熱楊花不做人情雪 風流
欲過前村蝶羞成別回頭却恨春三月

昭君怨

月玩

月出東山之上長憶御街人唱恨我不能琴有琴心
徒倚秋波平瑩漸久玉飢清冷待更下闌干起來看

浣溪沙

春日即事

遠遠遊蜂不記家數行新柳自啼鴉尋思舊事即天
涯 睡起有情和畫捲燕歸無語傍人斜晚風吹落
小瓶花

又

感別

點點疎林欲雪天竹籬斜閉自清研為伊憔悴得人

嘉惠堂鈔本

憐欲與那人携素手粉香和淚落君前相逢恨恨
總無言

減字木蘭花

玩月答蒙庵和詞

何須剪紙依舊一團圓照水莫倚空寒柳下池邊也
只般君何忽忽宇宙人生都是客月在雲端人自
愁人不解看

蒙庵詞有忽忽
早睡語併及之

又

甲午九月
牛山作

舊遊山路落在秋陰最深處風雨重陽無蝶無花更
斷腸 天知老矣莫累門生與兒子不用登高高處
風吹帽不牢

又

有感

莫

東風似客醉裏落花南又北客似東風携手斜陽一
笑中 佳人怨我不寄江南春一朵我怨佳人憔悴
江南不似春

又

臘望初晴月佳甚有上元夜柳意不能忘情

臘消三五月向雪山雲外吐烟水黃昏梅柳依稀笛
斷魂 今宵豫賞便作香塵隨步想黃待元宵燈火
零星雨寂寥

又

乙亥上元

無燈可看雨水從教正月半探壘推盤探得千秋字
字看 銅駝放老說着宣和似天寶五百年前曾向
杭州看上元

嘉惠堂鈔本

又

庚辰送春

送春待曉春是五更先去了我醉方知春正憐伊怕
別伊 留君不可歸到海邊方憶我做盡花歸欲贈
君時少一枝

又

尚學林己丑壽旦適歸廬陵其先世相州人居永和今家臨州

相州錦好待到相州人已老潁水歸田白鷺驚猜已
十年 太師尚父晚遇明時方用武大笑相逢把酒
家鄉是客中

又

自述

不能管得欲雨能教天地黑待得開晴不用吾言也
自行 一杯亦醉萬事無能吾欲睡舊亦能詩說舊

時時問是誰

又再用韻戲
古岩出妾

清歡昨日十事不如人六七試數從前素素相從得
幾年 子兮子兮再球一枝何處起翠釜峯駝客好
其如良夜何

又壽詞

脾神喜樂壽酒一杯勝服藥過却明朝頂上新霜也
合銷 小春三日便覺春暄梅影出醉把梅看比似
茱萸更耐寒

山花子春暮

東風解手即天涯曲曲青山不可遮如此蒼茫君莫

嘉惠堂鈔本

怪是歸家 闔闔相迎悲最苦英雄知道鬢先華更
欲徘徊春尚肯已無花

此處情懷欲問天相期相就復何年行過章江三十
里淚依然 早宿半程芳草路猶寒欲雨暮春天小
小桃花三兩處得人憐

柳梢春春感

鐵馬蒙氈銀花灑淚春入愁城笛裏番腔街頭戲鼓
不是歌聲 那堪獨坐青燈想故國高臺月明輦下
風光山中歲月海上心情

南歌子

搔困麻僊瓜含暄忍客衣夜長窻月露成幃不說明

朝風雨自當歸

芻熟雙投美香飄一縷絲霜前雁到蟹螯持自試小
窓醉墨作新詩

朝中措酒勸

鍊花如露玉為瓶佳客為頻傾耐得風霜滿鬢此身
合是金莖 牆頭竹外洞房初就畫閣新成嚼得梅
花透骨何愁不會長生

太常引

和香岩
上元韻

便晴也是不曾晴不怕金吾禁行風雨動鄉情夢燈
火揚州化城 少年跌宕誰家嬌小繞帶到天明昨
夜月還生但驚破霓裳數聲時夜
月蝕

嘉惠堂鈔本

又壽李同知

此公去暑似新秋吏毒毒一勾勾行縣勝監州覺隨
車甘雨應求 鷺清為酒螺清為壽起舞祝君候急
召也須留念四考中書到頭

玉樓春

侯仲澤約飲螺山靈泉寺余與鄧中
甫侯父欲暮歸歸而侯至寺相失

霜風不動晴明好探梅有約城東道橋邊失却老僊
期城門落日人歸早 田野一望迷芳草除是騰空
君後到立馬三周黛佛頭參差中路令人老

又乙酉
九日

龍山歌舞無人道只說先生狂落帽秋風亦是可憐
人要令天意知人老 菊花不為重陽早自愛古人

詩句惱與君鄭重說殘年惟有重陽好

鳥夜啼夏初

猶疑薰透簾櫳是東風不分榴花更勝一春紅
新雨過綠連空蝶飛慵閑過綠陰深院小花濃

又秋中

素娥醉語曾留又中秋待得重圓誰妬兩悠悠
向愁早今愁水沒中洲看取明朝晴去不須愁

又

何年似永和年記湖船如此晴天何處望新烟
江

南女裙四尺合鞦韆北粧短後露盃昨日老人曾見

久潛然

嘉惠堂鈔本

清

清

行香子

和北客問梅白氏長安人

雪履無痕溪影傳神着坡詩請自清溫松風亭韻朝朝不

去惜惜空勤似夢中雲雲外雪雪中春四野昏昏

匹馬巡逡揀一枝寄興芳尊更誰興到於我情真是

白家賓江南路隴頭人

又次草窗憶古心公韻

玉立風塵光動黃金便淡文也到夜分無人燭下壁

上傳神記老婆心寒士語道人身極意形容下語

難親更萬分無一分真醉翁去後往往愁人願滴山

泉銜丘塚化龍雲

又韻疊

海水成塵河水無銀恨幽明我與公分青山獨往回
首傷神歎魏闕心礮石魄泊羅身除却相思四海
無親識風流還賀季真而今天上笑謫仙人但病傷
春愁厭雨淚看雲公嘗謂余仙風道骨不特文字為
然故屢着之不敢忘草窻其疾子
也

又
梅探

月露吾痕雪得吾神更荒寒不傍人溫山人去後車
馬來勤但夢朝雲愁暮雨怨陽春說着東昏記着
南巡淚盈盈檀板金尊憐君素素念我真真歎古來
言新樣客舊時人

品令聞鶯

嘉惠堂鈔本

滿庭芳草更昨日落紅如掃綠陰政似人懷抱一聲
睨晚春色何曾老幸自不須人起早寂寞如相惱
舊時聞處青門道禁煙時候柳下人家好

鵲橋仙

題陳敬
之扇

乘鸞著色癡蠅誤拂不及羲之醉墨偶然入手送東
陽便看取薰時清適清風去暑間題當日宰相紗
籠誰識封丘門外定何人這一點瞞他不得

又
壽懼
山母

看人擲果看人罷織難得團圓七夕蟠桃只在屋東
頭慶西母年開八袞去年今日今年今日添箇曾
孫抱膝人間樂事有多般算此樂人間第一

又自壽
二首

輕風淡月年年去路誰識小年初度橋邊曾弄碧蓮
花悄不記人間今古 吹簫江上霑衣微露依約凌
波曾步寒機何意待人歸但寂歷小窓斜雨
天香吹下烟霏成露颯颯神光暗度橋邊猶記泛槎
人看赤岸苔痕如古 長空皓月小風斜露寂寞江
頭獨步人間何處得飄然歸夢入梨花細雨

一剪梅

和人
催雪

萬事如花不可期花不堪持酒不堪持江天雪意使
人迷剪一枝枝歌一枝枝 歌者不來今幾時姜影
無詞張影無詞不歌不醉不成詩歌也遲遲雪也遲

嘉惠堂鈔本

遲

又

秋屋為小
孫三載壽朝

人生總受業風吹三歲兒兒八十兒兒深歸空谷把
還持啼看人知啼怕人知 客中自種綠猗猗月下
橫枝雪下橫枝尊前百歲且開眉今歲今時前歲今
時

夜飛鵲

夕七

何曾見飛渡年又年癡今古相望猶疑朱顏一去似
流水斷橋魂夢參差何堪更嗟遲暮聽旁人說與此
夕佳期深深代藉盼悠悠北地臙脂 誰寄揚州破
鏡遍海角天涯空待人歸自小秦樓望巧吳機迴錦

歌舞為誰星萍耿耿算歡娛未看流離但秋衾夢淺
雲間曲遠薄命同時

疎影

雪催

香篝素被聽花犯低低瑤花開未長記那時熾炭圍
爐瘦妻換酒行試薰家人在銷金帳約莫是打圍錦
際又誰知別憶烹茶冷落故家愁思 開道滕驕翼
懶今朝待檄與翻雲 須易白白不成又不教晴做
盡黃昏情味銀河本是冰冰底怎忍向東風成水待
滿城玉宇瓊樓却報卧廬人起

摘紅英

賦花朝
月晴

花朝月朦朧別朦朧也勝簷聲咽親曾說令人悅落

嘉惠堂鈔本

花情緒上墳時節

花陰雪花陰滅柳風一似千秋

掣晴未決晴還缺一番寒食滿村啼鴉

千秋歲

和尚學林
壽筵即席

新菊熟也借問誰家早梅影裏蜂兒繞三更殘月上
一夜霜天曉溪橋小春風有意年年到 當年青鳥
去落葉無人掃銅柱灰瑤池老殘鐘長樂樹墜馬咸
陽道空回首御街人賣南京棗

捉拍醜奴兒

辛巳
除夕

送歲可無詩得團圍忍不開眉不記去年今夕夢江
東懷抱江西信息舍比妻兒 五十處多炊待五十
富貴成痴百年苦樂乘除看今年一半明年一半更

似兒時

又有感

世事莫尋思待說來天也應悲百年已是中年後西
州垂淚東山攜手幾箇斜暉也莫苦吟詩苦吟詩
待有誰知多少不是無才氣文時不遇武時不遇更
說今年

最高樓

壽秋水

銀河水洗得世間清山色雨餘香老子綸巾綦別墅
人家鼾睡折秋城定誰勞定誰福定誰能常恨着
景升兒不似又恨着景升牛小耳空相望愧平生我
欲臨風扶玉樹自攀承露酌金莖看昆明鱗石長海

嘉惠堂鈔本

桑晴

又壬辰壽王城山八十

朱項字八十正平頭添作八十休無能也自收郿塢
到今恨不貶湖州看幾人炎又冷老還休也不學
太公忙把火也不學申公輪轉磨休莫莫休休小
蓬受業何曾吃更遲食乳不須愁且從容某水釣某
丘遊

又和詠雪

非是雪只是玉樓成眉不盡雲影東邊老樹頽然折
西頭穉柳爆然聲試平安松丈丈竹兄兄有誰向
金船呼小玉又誰憐紙帳夢飛瓊怪疎影墜娉婷喚

起老張寒蕪蕪好歌白雪與君聽但黨家人笑道太
庵生

又再和

花上雪信手捻來成屑不就瓊英昨朝已見詩成卷
今朝又試曲成聲更催催莫不做水僊兄 終須待
晴時携斗酒更須待老夫吟數首便更疊疊娉婷已
無翠鳥傳花信又無羯鼓與花聽更催催數日是春
生

桂枝香

寄揚州馬觀復時新舊候交惡甚思去年中秋泛月感恨雜言

吹簫人去但桂影徘徊荒杯承露東望芙蓉縹緲寒
光如注去年夜半橫江夢倚危檣參差曾賦茫茫角

嘉惠堂鈔本

動回舟盡興未驚鷗鷺 情知道明年何處謾待客
黃樓塵波前度二十四橋頗有杜書記否二三子者
今如此看使君角巾東路人間俯仰悲歡何恨團圓
如此

臨江僊

代賀丞相兩國夫人生日並序

甲子之秋九月吉日大丞相國公壽母兩國
太夫人初度謹上小詞用獻為王母三千年
之曲

丞相袞衣朝戲綵年年慶事如新尊前一笑共兒孫
人間傳壽酒天上送麒麟 縹緲祥煙連北闕天顏
有喜生春蓬萊清淺海光平今日初甲子重試碧桃

根

又壽劉

聞道城東鶴會欣然一笑乘風不知一鶴在牆東神
似人不識未始出吾宗 弟子有年於此先生之道
如龍碧桃花子落壺中化為三五粒元是北邊松

又壬午
七夕

天際何分南與北五更縱又成橫夜來拾得斷河星
化為一片石持去與君平 老大看天一笑兒童問
我須應向來牛女本無名要知天上事亦似謗先生

又將孫生
日賦

二十年前此日女兒慶我生兒簪萱弄綵聽孫啼典

嘉惠堂鈔本

仙

衣沽美酒數待冠昏時 亂後飄零獨在紫荆墓棘
風吹尊前萬事莫尋思兒童看有子白髮故應衰

又賀然
軒

舊日詩腸論斗酒風流懷抱如傾幾年不聽渭城聲
尊前無賀老卷裏少彌明 聞說語言都好便應步
履全輕長生第一是風僧額前書八十能說又能行

又梅訪

西曲宵衣迷去路雪銷斷岸無痕尋花不到擬前村
暖風初轉袖小徑忽開門 却憶臨塘橋下馬古心舊居
暗香不是黃昏人生南北與誰論嶺梅花樹下聞聽
蜜蜂喧

間

尚

又謝友

老去張呼張丈醉中自惜熊兒越王臺上鷓鴣啼三
朝臣不遇無好文時 情緒幽幽似結鬢絲索索禁
吹病來魂不到相思散人腰已散倚杖嘆吾衰

時苦腰滯

又晴晚

海日輕紅通似臉小窓明麗新晴滿懷著甚是真情
不知春睡美為愛曉寒輕 說似吳山樓萬疊雪銷
未盡宮城湖邊柳色漸啼鸚鵡纔聽朝馬動一巷賣花
聲

又感有

過雁天邊信息兩宮池上心情沉思海角憤難平山

嘉惠堂鈔本

名

成

風欺客夢耿耿到天明 幸自不爭念利閒愁夜夜
如驚明朝鬢白兩三莖世人都念似汝復何哉
腰過花陰一丈愁深酒力千鐘夢魂不得似遊蜂瓶
花無密約到處自神通 天上西湖似錦人間嬌馬
如龍今年不與去年同飄零終不恨難與故人逢

又端午

幸自不須端帖子閒中一句如無愛他午日午時書
惟應三五字便是辟兵符 又雨石鯨未沒小風紈
扇相勸邀友一笑共菖蒲去年初禁酒今日漫提壺
適滿城無酒酷去
年此日初賣官酒

又晤坐

我去就他甚易他來認我良難悟時到處是壺天古
詩尋一句危坐看烟 金玉滿堂不守菁華歲月空
遷從今飽飯更安眠丹輕都不看間坐一千年

又辛巳端午和
陳簡齋韻

舊日採蓮羞半面至今回首匆匆夢穿斜日水雲紅
癡心猶獨自等待鄭公風 海上頽雲潮不返側身
空墮遼東人間天上幾時同宮衣元不遇無語醉醒
中

又問居
感舊

昔走都門終夜雨明朝泥淖堪驚疎疎點點忽雞鳴
數峯青似染快活早來晴 十五年間春夢斷亂山

嘉惠堂鈔本

寒食清明無人挑菜踏青行青鳩啼雨外閒聽寺中
聲

鷓鴣天

白白江南一信霜過都字不到衡陽老嘉破帽并吹
却未省西風似此在 攀北斗酌天漿月香滿似菊
花黃神仙暗度龍山劫雞犬人間百戰場

又壽康
教

白髮平津起衰然燕飛定遠望生還世間最有團圓
又是平平過一年 銀信近玉鞭先東來西去爵
銜鱸人生有命遲遲好且喜稱觴壽母前

又壽趙
松廬

狂

占得春風五日先至今往處是開元寫真苦遇丹元
子只著當時宮錦船 松戴雪自蒼然八公花下少
如前看來天上多辛苦且住人間五百年

又

和謝胡盤居
賜橘為壽

自入孤山分外香南枝不改舊時粧為曾盤裏承青
眼一見溪頭道勝常 商山樂入 羊上方不復記
傳觴橘中箇箇盤深窈依倚東風局意長

又

春迎

去年太歲田間土明日香煙壁下塵馬上新人紅又
紫眼前歌妓送還迎 釵頭燕勝金馴燕歌趙舞動
南人遺民植杖唐巾起閒伴兒童看立春

嘉惠堂鈔本

又

立春後
即事

舊日桃符管送迎燈前爆竹鬪先贏鹿門亂走團圞
久纔到城門有鼓聲 梅弄雪柳窺晴殘年猶念冷
如水欲知春色招人醉須是元宵與踏青

又

贈
妓

暖逼酥枝漸漸融雙飛誰熾蝶雌雄款聲已逐行雲
土花片偏來酒琖中 眉月冷畫樓空酒闌猶未見
情鍾直須把燭穿花帳方見佳人玉面紅

青玉案

微情渡觀桃非復前日彌望之盛獨可
十數樹耳蓋以此間人摘實之苦自伐

去也歸塗悄然念
之作此以示同行

稠塘舊是花千樹曾泛入溪深誤前波劉郎重喚渡

漫愛寂寂年時花下往往無尋處 一年一度相思
苦恨不拋人過江去及至來時春未暮兔葵燕麥冷
風斜雨長恨稠塘路

又用辛稼軒
元夕韻

雪消未盡殘梅樹又風送黃昏雨長記小紅樓畔路
歌歌串串鼓聲疊疊賞元宵舞 天涯客鬢愁成縷
海上傳柑夢中去今夜上元何處處亂山茅屋寒爐
敗壁漁火青熒處

又壽老登八十六歲
戊午六月十七日

里中上大人誰大人上大仁難作八十翁間處坐小
生懶惰近來高臥忘却今朝賀 甲申還是連珠麼

嘉惠堂鈔本

剩有老星人一箇白髮朱顏堪婆婆靈光殿火昆明
劫過角綺園黃我

又暮春
旅懷

無腸可斷聽花雨沉沉已是三更許如此殘紅那得
住一春情緒半生羈旅寂寞空山語 霖鈴不是相
思阻四十平分猶過五漸遠不知何杜宇不如歸去
不如歸去人在江南路

踏莎行雨中觀
海棠

命薄佳人情鍾花輩海棠開後心如碎斜風細雨不
曾晴倚闌滴盡胭脂淚 恨不能開開時又背春寒
只了房櫳閑待他晴後得君來無言掩帳羞憔悴

又上元月明無燈
明日散雨屢作

壁彩籠塵金吾掠路海風吹斷樓臺霧無人知是上
元時一夜月明無着處 早是禁烟朝來凍雨東風
自放銀花樹雪晴須有踏青時不成也待明年去

又九日牛
山作

日月跳凡光陰脫兔登臨不用深懷古向來吹帽挿
花人盡隨殘照西風去 老矣征衫飄然客路炊煙
三兩人欲住欲携斗酒答秋光山深無覓黃花處
北堂蝶山西迷鳳苑匆匆醉裏題詩滿黃花只似去
年黃去年人去黃花遠謂周秋陽
同登雲騰 雨壓城荒丘園
路斷却暗又恨人來晚依稀自唱古人詩明年此會

嘉惠堂鈔本

望

知誰健

又

松偃成陰荷香去暑過溪似是東林路不知宿昔有
誰來寺門同聽催詩雨 北馬依風涼蟬咽暮城門
半帶東陵圃江南不是迷元暉無人更待滄洲趣

又櫻桃
詞

珠壓相如燕脂同傳樊家更共誰家語梢頭結取一
番愁玉簫不會雙雙侶 風送流鶯前歌後舞並桃
欲吐含來往雙飛燕子自相倚會教唇舌調鸚鵡李
商
隱詩流鶯猶故
在爭得諱含來

燭影搖紅朝王槐城
獨賞無月

米

老子婆娑那回也上南樓去素娥有恨隱雲屏元是
嬌癡故鸞肩徘徊未許耿多情為誰堪訴使君愁絕
獨倚闌干後期無據 有酒如船片雲掃盡霓裳露
他時與客更攜魚猶記臨臯路余前後船酒觴客月
明槐城登樓予不及
赴月暗殊敗興因念南羈北旅醉烏鳥憑君楚舞問君不見
璧月詞成樓西沉處

又丙子中
秋泛月

明月如水亂雪飛下斜河去旋呼艇子載簫聲風景
還如故溺溺子懷何許聽尊前嗚嗚似訴近年嘲信
萬里陰晴和天無據 有客秋風去時留下金盤露
少年終夜奏胡笳誰料歸無路同是江南倦旅對嬋

嘉惠堂鈔本

渺渺子 鳴 雲

似

娟君歌我舞醉中休閒明月明年人在何處

又立春日雪
和秋崖韻

春日江郊素娥吹下銀幡舞東風點點亂茶煙留到
明朝否掩袖凝寒不語漫粘酥枝枝縷縷斷腸何如
飛絮多時落梅深處 仙掌擎來翠眉斂半看成露
驚沙馬上面簾輕誰貴羶廬主多少高陽伴侶到如
今沉冥幾許乘槎相問萬里銀河欲歸無路

念奴嬌槐城賦以自壽又和
韻見壽三和謝之

先生自壽擁衾寒重賦凌雲遊意我有大兒孔文舉
弱冠駸駸暮齒桃已三偷樹猶如此前度花開幾蓬
萊可塞還童却老無計 為此援筆翩翩大江東去

城

下仕北

計

千 翻

城

好似歌頭起寄與兩家孫又子長看以文為戲某所
某公同年同月誰剪招魂紙前三例好不須舉後三
例 槐城念
一日生

枯寒生晚復何似張緒少年時意薄命不逢何至此
滿眼啼粧鬪齒城是城非年來年去萬八千能幾半
癡半了更癡兒計孫計 回首仕已半生在何如已
已矣羞幅起幸有橘丸丸日大且復從公園戲若論
彈文更書謗篋吾歷無餘紙多年致仕大都有甚思
例

吾年如此更夢裏猶作狼居胥意千首新詩千斛酒
管甚何候候齒員嶠波翻瀛洲塵敗吾屐能消幾經

嘉惠堂鈔本

丘尋壑是他早討遲計 猶記辰已嗟嗟故人賀我
且勉呼君起五十不來來過二方悟人言都戲以我
情懷借公篇韻恨不天為紙餘生一笑不須那曼容
例

又 和曜山用槐
韻見壽

滄洲一葉徒借君回我爐亭春意突兀靈光無壁立
八面江風寒齒響屐廊深籠門檻亦數月今纔幾年
年未論豈無數十年計 我本高臥牆東何知人事
推枕為君起憔悴庚同何足記不覺聯翻賓戲白雪
陽春黃雞唱日絕少燈心紙我歌草草和章有例還
例

又酬王城山

兩丸日月細看來也是樊籠中物點點山河經過了
拔幟幾番殘壁白是沙堤蒼然吳楚一片成羶雪此
時把酒舊詞還是玻璃 歌罷公瑾當年天長地久
柳與梅都發幾許開愁斜照裏掌上漚生漚滅滄海
桑枯東陵瓜遠總不關渠髮簪花起舞可憐今夕無
月

乳燕飛 王朋益僉事夜坐文江之上屢稱赤壁之遊樂酒餘索賦因取坐閒語參差述之

赤壁之遊樂但古今風清月白更無坡作矯首中洲
公何許共我橫江孤鶴把手笑孫劉寂寞頗有使君

嘉惠堂鈔本

如今否看青山似我多前却幾見我伴清酌 江心
舊豈非城郭撫千年桑田海水神遊非昨對影三人
成六客 皆坐閒語 更倚歸倚夜泊尚聽得江城愁角渺渺
美人兮南浦耿余懷感淚傷離索天正北繞飛鵲

又壽周耐軒

曾授茅山記共當年二百七十又三甲子昨上雲臺
占雲物占得景風南至又恰是封侯千歲行遍神州
河洛外早歸來庭下槐陰翠春萬戶共生意 溪翁
圖是參同契想金丹圓成巧行活人相似顧我尊前
歌赤壁生子當如此耳笑華髮東坡年幾弟不如人
今老矣看龍頭霄漢雌龍尾呼白石為公起

榭

義

又飲海棠花下說放翁記劍南寓華園日報開
 及幾分聞五分亟往因美放翁記此足為後
 人開遊賞之趣蓋花間三日色變五日則後半
 開者盛先半開者落矣歌述此意使觀者有省
 遇雨城西路看輕雲弄日花間微寒如霧誰是宣華
 門守者報我十分開五便痛飲能消幾度寄語後來
 看花客待看花莫待開成樹成樹也半為土 佳集
 蜀錦今何許記西湖聚景村庄韓泥胃村庄 王亭謝
 今名聚景
 冷落柯丘二三子更問何園韓圃消一笑回車竹
 所東坡自柯丘賞海棠復何氏韓氏詩云竹間老
 人不讀書留我閉門誰教汝蓋市人好事者也適
 過某氏園園閉因記義之嘗造竹主人主人避不見
 其子獻之肩輿入人園復為驅出回車竹所併記其
 父子賓賓點點守宮包紅淚縱傾城一顧傾城顧家國
 主一笑賓點點守宮包紅淚縱傾城一顧傾城顧家國
 事政何與

嘉惠堂鈔本

瑞鶴山壽翁
丹山

正丹翁初度對此滿江城曉鶯欲語空峒在何處漸
 雨過農郊勸耕問路州人爭覩問坡老重來是否把
 看燈傳說風流八境畫圖新句 如許老子文章揮
 毫立馬脫鞵嫌汗太平易作聽父老歌襦袴願使君
 小住五風十雨重見一稔三黍又天邊飛詔殷勤說
 相將去

高陽臺和巽
吾韻

雨枕鶯啼露班燭散御街人賣花窠過眼無情而今
 魂夢年多百錢曳杖橋邊去問幾時重到明河使人
 問無了東風此恨難磨 落紅點點入頽波任歸春

到海又成渦江上兒童把茅笑我重過蓬萊不漲枯
魚汨但荒村敗壁懸梭對殘陽往往無成似我蹉跎

聲聲慢

九日泛湖遊壽樂園賞菊時海棠花開即席命賦

西風墜綠喚起春嬌媽然困倚修竹落帽人來花豔
乍驚郎目相思尚帶舊子甚淒涼未炊粧束吟鬢底
伴寒香一朵並簪黃菊却待金盤黃屋園林靜多
情乍禁幽獨蛺蝶應愁紅日落紅難觸那堪雁霜漸
重怕黃昏欲睡未足翠袖冷且莫辭花下秉燭

漢宮春

壬午開爐日戲作

雨入輕寒但新菊未試荒了東籬朝來暗驚翠袖重
倚屏幃明窓麗閣為何人冷落多時催重頓粧臺側

嘉惠堂鈔本

畔畫堂未怕春透漫省茸香粉暈記去年醉裏題

字傾欵紅爐未深乍暖兒女成圍茶香疎處畫

灰自說心期容膝好團圞分芋前村夜雪初歸

又

歲盡得巽吾寄溪南梅相憶韻

疎影橫斜似故人安道只在前溪年年望雪待月漫
倚吟磯千紅萬紫到春來也是尋思君不見永陽江
上殘梅冷雨絲絲有幾情人似我謾騎牛臥笛亂
揀繁枝市門索笑憔悴便作新知城樓畫角又無花
只落空悲但傳說壽陽一片何曾迎面看飛

洞仙歌

壽中

也曾海上啖如瓜大棗海上歸來相公老畫堂深滿

水

快

芳

引明月清風家山好一笑塵生蓬島 六年春已過
贏得清陰到處持盃藉芻草看明年此日人在黃金
臺上早整頓乾坤事了但細數齊年幾人存更宰相
高年幾人能到

又器之高誼取前月青山洞
仙歌華子重壽走筆謝之

有容從余不計余無酒袖有蟠桃為君壽歎此桃再
熟也須年後甚辦得轉盼箇偷桃手 菊潭三十斛
月又添月天賦先生日更久但黃楊長村閏年倒寸
似恁得到梧甚時候客又道奇特是陽生後七日相
看入醉春風柳

齊天樂 端午日韻

嘉惠堂鈔本

枝頭雨是青梅淚翻作一江春水魚腹魂消龍舟叫
徹不了湖亭張戲滿庭芳芷正艾日高高葛風細細
試比陳人人間除我更誰似 浮沉君共我里記薰
廊待對聞雞蹴起昨日蟾蜍明朝蠅虎身與渠衰更
悴老夫病已住采綠采苓為師為帝但有昌陽倩酌
扶路醉

又節菴和示中齋端午齊天樂詞懷懷其弟海
山之夢昨亦嘗和中齋此韻感節菴此意復
不能自己儻
見中齋及之

海枯淚盡天吳波又漲經天河水 猶有淚成河經天
弟 萬古魚龍雷收電卷宇宙刹那間戲沉蘭墜芷
想重整荷衣頓驚腰細尚有干將衝牛射斗定何似

須溪詞

成都橋動萬里歎何時重見鷓啼人起孤竹雙清
紫荆半落到此吟枯神瘁對牀永已但夢繞青神塵
皆白帝重反離騷衆醒吾獨醉

又

戊寅登高即
席和秋崖韻

蔣陵故是簪花路風煙奈何秋暑候館凋枯宮牆斷
柳誰識當年倦旅子懷何許想上馬人扶翠眉愁聚
舊日方回而今能賦斷腸語 登高能賦最苦歎高
高難問欲望迷處蝶繞東籬鴻翻上苑那更盡梁辭
主來令往古謾湛輩同來遠公回去是日共二
僧登華蓋我醉
安歸黃花扶路舞

江城梅花引

辛巳洪
都上元

嘉惠堂鈔本

幾年城中無看燈夜三更月空明野廟殘梅村鼓自
春聲長笑兒童忙踏舞何曾見宣德棚不夜城 去
年今年又傷心去年晴去年曾不似今年閒坐處却
不曾行憶去年人彈燭淚縱橫想見西窓窓下月窓
下月是無情是有情

又

想思無處著春寒傍闌干濕闌干似我情懷處處憶
臨安想見夜深村鼓靜燈暈碧為傍人說上元 是
花是雪無意看雨摧殘雨摧殘探春又還到春還似
不如閒感恨千般憔悴做花難不惜與同一醉君不
見銅雀臺望老瞞時隣居聲伎
有物化之感

蘭陵王

丁丑感懷和彭明叔韻

雁歸北渺渺茫茫似客春湖裏曾見去帆誰遣江頭
絮風息千年記當日難得寬閒抱膝興亡事馬上飛
花看取殘陽照亭驛 哀拍願歸骨帳 羶帳何匹漣
酪何食相思青塚頭應白想荒墳酌酒過車回首香
魂携予抱相泣但青草無色 語絕更愁極謾一番
上青青一番陳跡瑤池黃竹哀離席約八駿猶到露
桃重摘金銅知道忍去國忍去國

又送春

送春去春去人間無路鞦韆外芳草連天誰遣風沙
暗南浦依依甚意緒漫憶海門飛絮亂鴉過斗轉城

嘉惠堂鈔本

帳

淹

荒不見來時試燈處 春去最誰苦但箭雁沉邊梁
燕無主杜鵑聲裏長門暮想玉樹凋土淚盤如露咸
陽送客屢回顧斜日未能度 春去尚來否正江冷
恨別庾信愁賦二人皆北去 蘇堤盡日風和雨歎神遊故
國花記前度人生流落顧孺子共夜語

瑣窓寒

和巽吾聞鶯

嫩綠如新嬌鸚似舊今吾非故空山過雨睨睨留春
春去似尊前曲曲陽關行人回首江南處謾停雲依
黯征衫憔悴酒痕猶污 欲語渾未住記匹馬輕行
風林煙樹家山何在想見綠窓啼霧又何堪滿目淒
涼秋園夢裏能歸否但數聲鶯覺行雲重省佳期誤

住

歸朝歌

處

最是一人稱好昨日小春留得住梅花信信望東風
須待公歸香滿路年時今已度長是巴山深夜雨宣
又召凱還簇簇要見壽觴舉 掃盡窩蜂間繡斧疊
鼓春聲歡歲暮燕臺劔履趣鋒車銀信低低傳好語
紫貂裘脫與肘印纍纍映三組但重省西來斗水忘
却愛卿取

大聖樂

傷春有序

予嘗愛古詞云休眉鑠問朱顏去也還更來
麼音韻低黯辭情跌宕度幾哀而不怨有益
於幽憂憔悴者然二語外率鄙俚因依聲仿

嘉惠堂鈔本

佛反之和之此曲少有作者流為善歌則或
數十疊其聲皆不可考今特以意高下未必
盡合本調聊以紓思志感云爾

芳草如雲飛紅似雨賣花聲過况回首洗馬塍荒更
寒食宮人斜閉煙雨銅駝提葫蘆何所得酒泥滑滑
行不得也哥哥傷心處斜陽巷陌人唱西湖 天下
事不如意十常八九無奈何論兵忍事對客稱好面
皺如鞞廣武噫嘻東陵反覆歡樂少兮哀怨多休眉
鑠問朱顏去也還更來麼

寶鼎現

紅粧春騎踏月影千旗穿市望不盡樓臺歌舞習習

河

詞

香塵蓮步底簫斷約彩鸞歸去未怕金吾呵醉甚輦
路喧闐且止聽得念奴歌起 父老猶記宣和事抱
銅仙清淚如水還轉盼沙河多麗滉漾明光連邸第
簾影凍散紅光成綺月浸蒲萄十里看往來神仙才
子肯把菱花撲碎 腸斷竹馬兒童空見說三千樂
指等多時春不歸來到春時欲睡又說向燈前擁髻
暗摘鮫珠墜便當日親見霓裳天上人間夢裏

祝英臺近

後水

昨朝晴今朝雨渺莽遽如許厭聽兒童總是漲江語
是誰力挽天河誤他僊客并失却乘槎來路 斷腸
苦剪燭深夜巴山酒醒聽如故勃窣荷衣墮淚少乾

嘉惠堂鈔本

土從初錯鑄鴟夷不如歸去到今此欲歸何處

又席間詠

繡毬

看師師成蝶蝶感盡不成疊欲拭搔頭花重乍堪捻
是誰拋過東墻今無赤鳳夢得似那人身捷 年時
臘曾笑梅梢和月蠶豆忽如笑便向龍門無復馴金
接待教開到瓊林閣倦重見又誰念昆明前劫

憶舊遊

和巽吾相
憶寄韻

渺山域故苑煙橫綠野林甚青油甚相思只在華清
泉側凝碧池頭故人念我何處墮淚水西流念寒食
如君江南似我花絮悠悠 不知身南北對斷煙禁
火蹇六年留恨聽鸚不見到而今又恨晚晚成愁去

劍 城 現

年相攜流落回首隔芳洲但行去行來春風春水無過舟

唐多令

丙子中秋前聞歌此詞者即席借蘆葉滿江洲韻

明月滿滄洲長江一意流更何人橫笛危樓天地不知興廢事三十萬八千秋
落葉女墻頭銅駝無恙不看青山白骨堆愁除却月宮花樹下塵埃莽欲何遊

又

風露小瀛洲斜河倒海流人間塵不到瓊樓錯向五陵陵上望幾回月幾回秋
落日火湖頭垂虹今是不醉尊前往往成愁便有扁舟西子在無汗漫與君

嘉惠堂鈔本

遊

又

寒雁下荒洲寒聲帶影流便寄書不到紅樓如此月明如此酒無一事但悲秋
萬弩落潮頭靈胥還怒不滿湖山猶是春愁欲向湧金門外去煙共草不堪遊

又

穩

日落紫霞洲蘭舟穩放流玉虹仙如在黃樓何必錦袍吹玉笛聽欸乃數聲秋
赤壁舞濤頭周郎還到不倚西風嫋嫋予愁喚起橫江飛道士來伴我月中遊

又龍州曲已八九和復為中齋勉
強夜和中有數語醉桃忘之

零露下長洲雲翻海倒流素娥深不到西樓忽覺斷
潮歸去也飲不盡一輪秋 城外土饅頭人能飲恨
不古人不見使君愁莫有橫江孤鶴過來伴我醉中
遊

又丙申中秋

明月滿河洲星河帶月流料素娥獨倚瓊樓竟是何
年何藥誤魂夢冷不禁秋 少日夢龍頭知君猶夢
不算虛名不了間愁便有鷓袍三萬萬應不是舊京
遊

又

嘉惠堂鈔本

殘日下瓜洲平安火 流月高高掛古城樓回首少
年真可笑無一事又悲秋 天在海邊頭天風有意
不結桂枝嫋嫋余愁不是銀河無去路先不去後難
遊

又癸未上元午晴

春雨滿江城汀洲春水生更悲久雨似春醒猶有一
般天富貴夜來雨早來晴 年少總看燈老來猶故
情更無燈也是盈盈說着春情誰不愛今夜月有人
行

虞美人丹詠牡

空明一朵揚州白紅紫無色是誰喚作水晶毬惹起

汀

高燒銀燭上元愁 去年一捧飛來雪不似渠千葉

狂風一蹴過秋千憔悴玉人和淚望嬋娟水晶

天香國色辭脂粉肯愛紅衫嫩翛然自取玉為衣似

是銀河水皺織成機 寒欺薄薄春無力月浸霓裳

濕一窩香雪世間稀可惜不教留到布衣時白疊羅

壽安樓子重重藥少見如魚尾向來染得渭脂紅又

自細搖花浪動春風 賴鱗似是人誰信但向殘紅

認若教隨水去悠然為報沙頭玉鷺莫貪鮮魚尾壽安

花心定有何人稔暈暈如嬌靨一痕明月老春宵政

似酥胸潮臉不曾銷 當年掌上開元寶半是楊妃

爪若教此指到癡人任是高牆無路蝶翻身紅稔

嘉惠堂鈔本

又咏海棠

無花敢與姚黃比對對鴛鴦起識他金帶萬釘垂誰

向麒麟揜裏卸猴緋 潛溪以上難為說自是君恩

別後來西子避無鹽又道君王捉鼻有何嫌公服紫

魏家品是君王后豈比昭容袖風吹滿院繡裳香誰

物大師師號退昭陽 飛霞一落無根蒂空墮重華

淚離披正午盛時休閒為思王重賦浴神愁御愛紫

猶疑綠萼花微甚難與青蓮並青蓮朵朵是天人又

向天人想見洛陽春 多情素質塵生步况被潘妃

汚此花仍是微頰却似嬌波波外兩眉青蓮蓮萼

又客中送春

青

悄

樓臺煙雨朱門悄喬木芳雲杪半窗天曉又聞鶯比
似當年春盡最關情 客中自被啼鶉惱况落春歸
道滿懷憔悴有誰知猶記湧金門外送人時

又城山堂
試燈

黃柑擘破傳香霧新酒如清露城中也是幾分燈自
愛城山堂上兩三星 枝頭未便風和雨寂寞無歌
舞天公肯放上元晴自是六街三市少人行

又揚州賣鏡上元
事也用前韻

徐家破鏡昏如霧半面人間露等閒相約是看燈誰
料人間天上似流星 朱門簾影深深雨憔悴新人
舞天涯海角賞新晴惟有橋邊賣鏡是閒行

嘉惠堂鈔本

黃簾綠幕窗垂霧表立如承露夕郎偷看御街燈歸
奔河邊殘點亂如星時余生爐亭六日禮數內
同舍誘余竊出觀燈亟歸 開
園蔣李二宦者遊春雨蛺蝶穿人舞如今煙草鑠春晴
併與蘇堤葛嶺不堪行

又大桃紅
花

鞞紅乾色無光霽須是鮮鮮翠脩然一點繫裙腰不
著人間金屋恐難消 英英肯似馬文賁漫脫紅霞
帔落時且勿流塵泥留向天君洞口泛吾詩

又

濕雲待向三更吐更似沉沉雨眼前兒女意堪憐不
說明朝後日說明年今年十
七望 當年知道晴三鼓便

貴
沉

後

似佳期誤笑他拜月不曾圓只是今朝北望也凄然

又用李復主韻二首

梅銷臘盡春歸了畢竟春寒少亂山殘燭雪和風猶
勝陰山海上客羣中 年光老去才情在惟有華風
改醉中幸自不曾愁誰唱春花秋葉淚偷流
情知是夢無憑了好夢依然少單子吹盡五更風誰
見梅花如淚不言中 兒童問我今何在煙雨樓臺
改江山盡出古今愁人與落花何處水空流

又春曉

輕衫倚望春晴穩雨壓青梅損皺絹池影泛紅蕩看
取斷雲來去似爐烟 愁春來暮初愁暮受却寒無

嘉惠堂鈔本

陸

洛

數年來無地買花栽向道明年花信莫須來

又品花

娟娟二八清明了猶說淮陽早錢歐陽譜徧花光紅
到壽陽也不說淮陽 此花地望元非薄回首傷流
落落陽間歲斷春風怎不當時道是洛陽紅

又中秋對月

秋陰團扇如人老漸近中秋好新涼還憶小樓邊自
在一窗明月傍人眠 多情誰道星河曉只道圓時
少他年幾處與君看長是成愁成恨不成歡

戀繡衾宮中吹簫

燕脂不浣紫玉簫認宮中銀字未消但鳳去臺空古

比落花無第二朝 天涯流落哀聲在聽烏鳥不似
內嬌漫身似商人婦泣孤舟長夜寂寥

又或送肉色
牡丹同賦

困如宿酒猶未消滿華堂羞見目招忽折向西鄰去
教旁人看上馬嬌 肉色似花難可得但花如肉色
妖嬈誰說漢宮飛燕到而今猶帶臉潮

又己卯燈夕留城中獨坐憶當
塗買燈姑蘇夜舞再集賦此

當年三五舞太平醉歸來花影滿庭辨永夜重開宴
笑姑蘇萬眼未明萬眼羅最精
最貴然最暗而今繞市歌兒馬

客黃昏細雨滿城十年事去如水想家人村廟看燈

花犯舊催雪詞若不
甚佳因復作此

嘉惠堂鈔本

海山昏寒雪欲下低低壓吹帽平沙皓皓想關塞與
煙時動衰草蘇郎卧處愁難掃江南春不到但悵望
雪花夜白人間憔悴好 誰知廣寒夢亡膠丁窻白
玉鍊不關懷抱看清淺桑田外塵生熱惱待說與天
公知道期臘盡春來事宜早更幾日銀河信斷梅花
容易老

又再和
中甫

甚天花紛紛墜也徧徧著余帽乾坤清皓任海角荒
荒都變瑤草落梅天上無人掃角吹吹不到想特為
東皇開燕瓊林依舊好 看兒貪耍不知寒須塑就
玉獅置兒懷抱奈轉眼今何在淚痕成惱白髮翁翁

要

向兒道那曲巷衰安愛晴早便把似一年春看惜花
花自老

醉江月

北客用坡韻
政賦訪梅

冰肌玉骨笑嫣然總是風塵中物誰掃一枝流落到
絕域高臺素壁匹馬南來千山萬水為訪林間雪淵
明愛菊不知誰是花傑陶詩謂菊為霜下傑憔悴夢斷吳山

有何人報我前村夜發蠟屐霜泥煙步林轉入波光
明滅雪後風前水邊竹外歲晚華予髮帶花人去江
妃空弄明月

又

趙氏席間
事再用坡韻

四無誰語待推窗初見江南風物索笑巡簷無奈處

嘉惠堂鈔本

悄隔東鄉一壁有酒如船招呼滿載只欠枝頭雪疎
蘼冷眼坐中都是詞傑堪恨幾日西郊尋消問息
肯向吟邊發着意相看又恐是六出幻成還滅懊恨
兒童攀翻頂戴不到先生髮明朝重省初三知屬誰
月

又

和未約山自壽
曲自壽八十四

五朝壽俊算生年占得淳熙四四三萬六千三萬了
剩有六千饒底三百年間和風麗日幾箇能消此約
山山笑先生不負山矣今歲甲子重陽待重數五
百十三甲子吟萬首詩更自和歲歲壽詩自喜若比
潞公如今年紀猶是平章事先生撫掌問他問日能

家

幾

又同舍延平林府教製新詞祝我初度依聲依韻還祝當家

西湖處士例一枝團月成平印印千古詩宋傳不絕
至竟被渠道盡雪返香魂霜吹曉怨肯受東君聘羅
浮夢轉兔還知是誰孕未說煙雨江南垂垂青子
須要調金鼎愁絕西山明秀處依舊鶴南飛影我白
居玄君詞我和各自為長慶後來桃李遙遙別是花
信

又五日和尹存吾時北人競鷺洲渡

棹歌齊發江雲暮吹得湘愁成雨小酌千年知他是
阿那年時沉午日落長沙風回極浦黯不堪延佇吳

嘉惠堂鈔本

頭楚尾非關四面為楚幾度喚起醒纍淋漓痛飲
不學愁予句踏鯉從龜胥濤上怎不化成龍去越女
吳船燕歌趙舞世事悠悠許明朝寂寂雙飛下鷗
鷺

又怪梅一株為北客載酒移真盆中偉烈

歲寒相命算人間除了梅花無物窺宋三年又不是
草草東隣鑿壁偃寒風前沉吟竹外直待天驕雪白
家人至一枝橫出終傑寂寞小小疎籬探花使斷
知復何時發北驛不來春又遠只向窗前埋滅好在
冰花著些風篠怎不清余髮補之去後墨梅又有明
月北人著小竹花間更好

徒

又漫興

遙憐兒女未解憶長安十年前月徒倚桂枝空延佇
無物同心堪結冷落江湖蕭條門巷猶著西樓客李舍
人班嘗言賞中秋之盛恨無鐵笛一聲吹裂山石 休說
起舞登樓那人已先我渡江橫楫圓缺不銷青塚恨
漢漢風沙如雪西母長生素娥好在何皓當時髮山
河如此月中定是何物

又中秋彭明叔別去赴永陽夜集

團團桂影怕人道大地山河裏許舊日影娥池未缺
驚斷霓裳歌舞雪白長城金明古驛盡是乘槎路少
年白髮自無八駿能去 猶記流落荒濱故人相遇

嘉惠堂鈔本

鳥

枕

共吹簫前度無酒無魚空此客昨夜留之不住睡起
披衣行吟坐對又有重圓處不知今夕那人有甚佳
句

又中秋待月

城中十萬有何人和我鳥鳴瑟對影姮娥成三處
誰料尊中無月剪紙吹成長梯摘取兒戲都堪惜洞
庭夜白一聲聊破空濶 休說二十四橋便一分無
賴有誰識識一桃秋衾南北夢好好娟娟成雪舊日
少游錦袍玉笛醉臥藤陰石蕭然今夕無魚無酒無
客

滿江紅 海棠下歌後村調共和

誰
朋

淡淡燕支似褪向景陽鴛石依然是春睡未足捧心
猶癖籍甚不禁君再顧嫣然却記渠初拆黯銷魂飲
盡更堪憐終難得 猶記是卿卿惜空復見訴誰摘
但當時一笑也成陳迹我嬾花殘都已往詩朗酒伴
猶相覓聽連宵又雨又還晴鳩鳴寂

又

古岩以馬歡復遣舟約予與中齋和後村海棠韻後寄述懷

何許相求且不是南温比石也欲學絕交高論自陳
余癖萬里魚書長記憶十年波浪傷離拆算此舟不
是剡溪舟空回得 非出處何須惜非取齷何須摘
看雪銷鴻去有何留跡去石豈無同樂意玄庭不是
朝廷覓但眼前真率慙相違歌聲寂

嘉惠堂鈔本

又

鶯語依然但春去人間無約誰念我吟情憔悴醉魂
落魂盡日只將行卷續有時自整殘棋着向黃昏細
雨悶無寥青梅落 南又北相思錯朝異暮人情薄
漫躊躇在目奢華如昨海底月沉天上兔遼東人化
揚州鶴記龍雲波浪豈能平天難託

平聲滿江紅壽某

十歲兒童看騎竹花陰滿城與新第桐鄉孫子高下
齊生倚枕不尋柯下夢舉頭自愛摘中名但有時未
償問如何公助平 東西塾聽書聲長短卷和詩成
總神仙清福前輩家庭試問凌煙閣相國何如洛寺

寫者英甚天公屬意富民侯銀信青

八聲甘州

和汪士安海棠下先歸前是觀桃水東至其鄉真常觀

問海棠花下又何如玄都觀中遊歎佗策蜀錦堂時
不數前渡何稠誰見宣華故事歌舞簇鰲頭共是西
江水不解西流 在處繁華如夢夢占人年少生死
堪羞任傾城傾國風雨一春休醉逢君何須有約醉
留君繫不住扁舟空入失花前一笑綠盡芳洲

又

和鄧中甫

看團團一物大如杯時復幾何秋俯天涯海角今來
古往人物如流想見霓裳歌罷無物與澆愁惟有當
時樹香滿瓊樓 誰念南樓老子倚西風塵滿心事

嘉惠堂鈔本

悠悠便班姬袖裏明月一時休歎年年吹簫有約又
一番鶴夢雪堂舟池上久滿身露還索衣裘

又

記前朝鶴會又重來攀翻第三桃看雲華授策麻姑
擘脯羸女吹簫尋思曲江舊事宮錦勝龍標奏罷清
華夢獨立春宵 不數相州錦樣是調羹御手重解
金貂但今年此日疎了醉蒲萄聞老僊衣冠皓偉又
丁寧天語著兒招都人望回班賜策赤寫飛朝

又

賀蕭汝道感秋

但秋風年又一年深不禁長年悲自景陽鐘斷館娃
宮閉冷落心知千古西湖楊柳更管別人離看取茂

寫

當

園

陵客一去無歸 都是舊時行樂漫煙銷日出水繞
山園看人情荏苒不似鷓鴣飛聽砧聲遙連塞外問
三衢道上去人稀銷凝久殘陽短笛似我歡歎

又送春韻

看飄飄萬里去東流道伊去如風便錦 危潮青山
御宿煙雨啼紅愁是明朝酒醒聽著返魂鐘留得春
如故了不關儂 春亦去人遠矣是別情何薄歸興
何濃但江南心好未便到芙蓉念今夜初程何處有
何人垂袖舞行宮青青柳留君如此如此忽匆

又春雪奇麗未能賦也因右岩韻志喜

甚花問兒女笑盈盈人添雪獅成任踏青無路凌波

嘉惠堂鈔本

有地步步光塵招得梅苑魂也好似去年春柳亦何
曾絮都是雲英 休道東皇誕漫退之到茶煙歇後
誰渴誰清賴謝娘好語端勝解圍兵看昨朝天公雨
粟定大家快活社翁平春晴好溶溶雨聽盡賣花聲

水龍吟寓興 巽吾

何須銀燭紅粧菜花總是曾留處流觴事遠繞梁歌
斷題紅人去繞蝶東牆題鶯修竹疎蟬高柳歎一春
風雨歸來抱膝懷古昔自淒楚 遙望東門柳下夢
參差欲歸幽路斷紅芳草連空積水憑高墜霧水洗
銅駝天清華表昇平重遇但相如老去江淹才盡有
何人賦

啼樹 注

又壽周耐軒

多年袖辦心香重新拈出為公壽喚起老龍如今正是欠伸時候弱語聞鶯輕陰轉柳絃薰未透信江南自有真儒未用須待見衮和繡聞說鋒車在道更四輩傳宣來驟蟠胸何限大門夜對春宮晨奏梅子陰濃菖蒲老老桔槔聞後但北關下澤遺民社在賀公歸晝

又

看人削樹盛槎布飄海上秋風浪白頭坡老知津水手倚梳榔杖九點齊州半生髀肉煙塵莽蒼但北窗夢轉青陰滿眼撫陳跡玩新漲世事艱難已徧笑

嘉惠堂鈔本

成 颿

花 明

而今不堪重想龍筋虎骨根深伏兔攀空千丈禮樂文章終須夢卜南人為相問凌煙生面他時髣髴似何人像

又和清江李侯

問思十八年前依稀正是公年紀銅駝陌上烏衣巷口臣清如水是處風箏滿城畫錦兒郎偉偉但幅巾藜杖低垂白鬢用與綺問何里最憶他年甘旨也曾經三仕三已至今結君餘年未了業多生綺安得滕屨移將剡棹長薰晉鄙望福星炯炯西江千里待公來社

又和南劉林同舍

元申遠寄壽韻

頁

黃

多年綠幕黃簾瓶花黯黯無誰主荀陳跡遠燕吳路
斷何人星聚四聖樓臺水仙華表冷煙和雨但徘徊
夢想美人不見今猶記鐵爐步 過盡涼風天末墮
華箋行行飛翥一端翠織錦鯨茅屋天吳驚舞時林
禮緜為何辰涸陰冰子生憐金虎恨兒癡不了山川悠

緜共君夔字

又

巽吾賦西南海棠花下有相憶之句
讀之不可為懷和顏並述江水旅行

征衫春雨縱橫何曾濕得飛花透知君念我西南徙
倚誰家紅袖藉草成眠簪花倚醉狂歌扶手歎故人
何處聞鶉墮淚春去也到家否 說與東風情事怕
東風似人眉皺亂山華屋殘隣廢里不堪回首寒食

嘉惠堂鈔本

絕

黃

江村牛羊丘壠茅簷酌酒笑周奏來往與誰同夢說
開元舊

又

和中甫
九月

孤煙澹澹無情角聲正送層城暮傷懷記似龍山罷
彼騎臺沉處珠履三千金人十二五陵無樹歎岐王
宅裏王公墟下空鼎鼎記前度 幾許英雄文武酒
不到故人墳土平生破帽幾番搖落受西風悔每日
如今明年此會偶然懷古便東籬甲子花開花謝不
堪重數

燕春臺

壽周
耐軒

五十二年詔華剛度今年夏五十三瑞鶴朝來待公

詔

客笑

客

客

客

使

客

彌月重探人生貴壽多男看爛斑室添箇荷衫亭亭
八面醉倚紅酣 承平故事暇日清談雲龍風虎塞
北江南午橋午枕羲皇白日如快手種蟠桃明年者
取實天如柑奈何堪天妬人睡美趣趁朝參

掃花遊和秋崖見壽秋崖
時謁選留詞云

春臺路古想店月潭雲雞鳴關候巾車爾久記湘纍
降日留詞勸酒不是行邊待與持盃論斗算吾壽已
待得河清萬古晴晝 京國事轉手慢官粉堆黃髻
粧啼舊瑤池在否自劉郎去後宴期重負解事天公
道是全無又有浯溪笑語溪至今聲叟

憶江南二月十八日曜軒約客因問宴氏
海棠開未即攜其至其已盛甚

嘉惠堂鈔本

花幾許已報八分催却問主人何處去且容老子箇
中來花外主人回 年時客如今安在哉政喜錦宮
城爛漫忽驚花鳥徒摧頽世事只添杯時有稱宣使
折花者蓋記

梅花引壽槐

酒熟未梅開未去年遲待重來醉笑當筵舞當筵
有今年八十是開年 參差野袂成野鶴石鼎未開
客剝琢歲開尊歲添孫孫又開尊福曜萃門

蝶戀花感興

過雨新荷生水氣高影參差無謂思量睡夢裏不知
輕別意醒來竟是誰先起 去路夕陽芳草際不論

三言
五言
闌干處處情懷似記得分明羞擲藥自知不是天僊子

又壽李侯

八九十翁嬉入市把菊簪萸共說新筓美何以祝公
千歲歲壽潭自酌花間水 白鷺沉沉飛復起杜老
江頭不恨秋風裏欲種蟠桃天上李三千年看青青
子

霓裳中序第一

石瑤本作霓裳中序第一詠溫泉疑其未嘗親見語不甚切予所見廬山一兩池初不可近漸入頗覺奇貴因用其聲用其韻試為之

銀河下若木暖漲一川春霧綠白鳳徘徊清淑似沉
水無煙礬湯千斛柔肌暗粟想臨流嬌噴輕觸空恨

嘉惠堂鈔本

清

恨何人熱惱却憶冷泉掬 酥玉末諳湯沐深又淺
蕩搖心目雲蒸雨漬翻覆泛影浮紅飄飄自相逐裳
衣還未欲薦自怪野鴛雙浴華精遠寒猿夜繞落月
可能漉

瑞龍吟和王聖與壽韻

老人語曾見昨日開爐墜天花否生年不合荒荒枯
根薄命嬋娟余誤汝那知許女樂如煙點點江南處
處何時重到湖煙淋漓載酒依稀吊古 終待臙脂
露掌弄鷗招鶴憑君畫取萬柳漫堤一絲一淚垂雨
濛濛絮裏又送金銅去漫斷腸王孫望帝嘔心囊句
市隱今成趣袖回地狹天吳鳳舞莫是青州譜怎不

早翩翩向青州住回頭蜃海已沉花霧

滿庭芳和卿師自壽

千騎家山一觴父老前有韓魏公來青原上已纔是
壽筵開歐公雲間還見憶相州更自逢回公知否福
星分野飛騎不須排 留春亭下草雪霜過了依舊
春菱待留春千歲日醉千杯却怕催歸丹詔棟明堂
須要雄材趨朝去西風便面隻手障浮埃

又草窗老仙歌滿庭芳壽予勉次原韻

空谷無花新菊有酒去年窮勝今年蚤吟蚤和且省
費蠻牋聞說先生去年江南岸縛草為船依然在山
棲寒食路斷却歸塵 老人三又兩清風作供晴日

嘉惠堂鈔本

煙縛

生煙但高高杜宇不辦行纏幾度披衣教我二升內
煮石燒鉛休重道玉龍無孔夜夜叫穿天

木蘭花慢別雲屋席間賦

午橋清夜飲花露重燭光寒約處處行歌朝朝買酒
典却朝衫尊前自堪一醉但落紅枝上不堪安歸去
柳陰行月酒醒畫角聲殘 王官難得似君閒聞我
見君難記李陌看花光陰冉冉風雨番番相逢故人
又別送君歸斜日萬重山江上愁思滿目離離芳草
平闌

又和中甫李參政席上韻

自崆峒麥熟耕犢滿桔槔開笑吾黨清談長衣櫛具

更進賢冠倉皇庇公宇下便秋風江山不驚寒雪夜
入三城易槐陰護一家難 東山零雨幾時還領客
竹林間看滿座空尊輕裘緩帶綠鬢朱顏風流一笑
余事定碑金無恙庾家完又賦南烹初食明朝食玉
何山

永遇樂

予自乙亥上元誦李易安永遇樂為之
涕下今年每聞此詞輒不自堪遂

依其聲之托之易安自喻
雖辭情不及而悲苦過之

壁月初晴黛雲遠澹春事誰主禁苑嬌寒湖堤倦暖
前度遽如許香塵暗陌華燈明晝長是嬾攜手去誰
知道斷煙禁夜滿城似愁風雨 宣和舊日臨安南
渡芳景猶自是故緜帙流離風鬟三五能賦詞最苦

嘉惠堂鈔本

江南無路鄜州今夜此苦又誰知否空相對殘缸無
寐滿村社鼓

又予方痛海上元夕之習鄆中甫
適和易安詞之遂以其事予之

燈舫華星崖山矴口官軍圍處璧月輝圓銀花燭短
春事遽如許麟洲清淺鼇山流播愁似汨羅夜雨還
知道良辰美景當時新下僊侶 而今無奈元正元
夕把似月朝十五小廟看燈團街轉鼓總似添惻楚
傳柑袖冷吹藜漏盡又見歲來歲去空猶記弓彎一
句似虞兮語

內家嬌

壽王城山

結客少年場攜高李聞笛賦游梁看漢水淮山高樓

共卧融尊鄭驛飛蓋相望春風裏種他紅與白笑我
嬾中忙供奉後來玄都桃改佳人好在庾嶺梅香
何處最難忘會稽歸鬢晚空帶吳霜贏得黃冠野服
笑傲羲皇看花外小車出長生洞橋中二老鬪智瓊
黃稱壽堂添十字孫認三房

六州歌頭

乙亥二月賈平章似道督師至太平州魯港未見敵鳴鑼而潰後半月聞

此報賦

向來人道真箇勝周公燕然眇浯溪小萬世功再建
隆十五年宇宙宮中膺堂中伴翻虎鼠搏鷓雀覆蛇
龍鶴髮龐眉憔悴空山久來上東封便一朝符瑞四
十萬人同說甚東風怕西風都人竊議者稱西頭甚邊塵起

嘉惠堂鈔本

香

漁陽慘霓裳斷廣寒宮青陽香都城籍妓皆隸歌舞無敢犯朱門
悄鏡湖空裏湖通葛嶺職裏湖無敢過大纛高牙去人不見港

重重斜陽外芳草碧落花紅拋盡黃金無計方知道
前此和戎但十年傳說夜半一聲銅何面江東

六醜

春感和彭明叔韻

看東風海底送落日飛空如擲醉遊暮歸怕西州墮
策歸路偏失記上元時節千門立馬望春坡殘雪素
娥推下團團轍塞草驚塵河冰渡楫悠悠雨絲風拂
但相隨斷雁時度荒澤 回頭紫陌夢歸歸未得憔悴
江南秋風舊客去年說著今日漫故人相命玳筵
鳴琴愁汗漫全杯窄况飄泊相遇當時老兒梨園歌

金

史

籍高歌為我幾回闕似子規落月啼烏悄傍人淚
滴

百字令李雲岩先生遠記初度手寫去年赤壁
歌歲晚寄之少賤不敢當也匆匆和韻
寄長鬚去儻可
以教則教之

少微星小撫劍氣橫空隱見林杪夜來采都如雨更
長得奇哉劉皎佛以四月八日生見明星悟道日
奇哉即左傳星隕如雨之夕也予女
三齡覽余初度一語占先兆暮年喜見甲申聚五星
照 堪歎亡國餘民老人孺子爾汝霜橋曉騎馬聽
雞朝寂寞夢入南枝三統洛社耆英行寫真率著我
真堪笑與公試數開禧嘉定寶紹公開禧丁卯生僕
生紹定之六年壬
辰相望二
十六歲云

嘉惠堂鈔本

佳

又壽陳靜山
少吾一歲

洞房停燭似新歲數到上元時節一醜屠蘇千歲酒
添得新人羅列昨日迎長今朝獻壽賞團圓佳月永
和春好用之不竭嘉客聞其新造酒
永和鎮百石 見說海上歸
來有如瓜大棗無人分得六十二三劉夢得輸與香
山樂色菱谷二綃楊枝春草歌舞琵琶笛祇愁无日
玉龍催上金驛

鷺啼序感
懷

匆匆何須驚覺喚草廬人起算成敗利鈍非臣逆睹
至死後已又何似采桑八百看蠶夜織小窓裏慢二
升自苦教人弔臥龍里 別有佳人追桃恨李擁疑

香繡被爭知道壯士悲歌蕭蕭政度寒水問荆卿田
橫古墓更誰載酒為君酌過霜橋落月老人不見遺
履 置之勿道逝者如斯甚矣哀久矣君其為吾歸
計為耕計但問某所甘泉何鄉魚美此生不願多才
藝功名馬上兜鍪出莫書生誤盡了人間事昔年種
柳江潭攀枝折條噫嘻樹猶如此 登高一笑把菊
東籬且復聊爾耳試回首龍山路斷走馬臺荒渭水
秋風沙河夜市休休莫莫母多酌我我在最喜高歌
去但高歌不是番腔底此時對影成三呼蛾起舞為
何人喜

又

嘉惠堂鈔本

悶如愁紅着雨卷地吹不起便故人渺渺相逢前事
欲語還已凝望久荒城落日五湖四海煙浪裏問而
今何處寄聲舊時隣里 問說那回海上蘇李雲深
夜如被想携手漢天不語叫叫不應疑永待河梁一
樽落月生非死別君如酌望故人閣上依稀長劍方
履 古人已矣垂名青史謂當如此又誰料浮沉自
得魚計賞心樂事良辰美景撞撞舞女朱門大第雕
鞍駿馬番裝笠笑虛名何與身前事區區相望餓死
西山懸目東門人生何樂為此 古人已矣天下英
雄使君與操耳聽喔喔雞鳴早起屢舞徘徊痛飲高
樓狂歌過市蒼蒼萬古義農周孔文章事業星辰上

須溪詩
到而今枯見銀河底笑他黃紙除君紅旗報我為君
助喜

又

趙宜可以奈識其韻
苦心改為之復和之

愁人更堪秋日長似歲難度相携去晚晚登高高極
政犯愁處常是恨古人無計看今人癡絕如許但東
籬半醉殘燈自修菊譜歸去來兮怨調又苦有寒
蟄予賦湖山外風笛闌干胡床夜月誰據恨當時青
雲跌君知路斷險艱如許便橋邊賣鏡重圓斷腸無
數是誰玉斧驚墮團團失上界樓宇甚天謫婢娟
予誤悔却初念不合夢他霓裳楚楚而今安在楓林
闕塞回頭憶著神仙處漫斷魂飛過湖江去時時說

嘉惠堂鈔本

天

關

輿地上羣兒青瑣瑤臺閣風縣圃琵琶往往凭鞍
勸酒千載能朝語數自古宮花薄命漢月無情戟地
難青故人成土江南憔悴荒村流落傷心自失梨園
部渺空江波隔蘆花雨相逢司馬風流濕盡青衫欲
歸無路

沁園春

和槐城
自壽

六十一翁垂銀帶雨插四角輪把百箇今朝重排花
甲十年前事似舊齏辛散選功名酒中富貴管取當
筵滿勸句槐知道待三郎做甚父子封申便應際
會昌辰怕林下相逢未是真看楚芰裂荷起鍾山笑
賣田儻馬墮貢生貧後六十年有無窮事是宰官身

是報身年來好莫做他宰相便是全人

又再和槐城
自壽韻

劉子生時當月下弦輸大半輪記孤館望雲朝饑諷
午寒爐擁雪歲晚盤辛比似先生兩壬相望豈止參
差一二句明年好算乞漿得酒酉勝如申 吾辰定
是雌辰聽窮鬼挪揄數得真但鶴唳華亭貴何似賤
珠沉金谷富不如貧明月清風晴春日出入千里雲
水身吾老矣歎臣之少也已不如人

又和槐城
自壽

成佛生又自是兩途任祖生先看二三大老依稀吾
榜幾多新進少小齊年紫陌栢相逢青山獨往倚杖

嘉惠堂鈔本

天

旬

鶴鳴聽布泉百年裏但兒時難得老後依然 吾牛
已不耕田更雨滑泥深自在鞭數十年波浪悠悠何
補三生石上種種無緣白髮來呵朱顏去也一曲狂
歌落酒邊誰似我似官奴出籍散聖安禪

又聞
歌

十八年間黃公壚下崔九堂前歎人生何似飄花陌
上妾身歎托賣鏡橋邊隔幔雲深繞梁聲徹不負楊
枝舊日傳主人好但留髡一石空惱彭宣 不因浩
歎明年也不為青衫愴四筵念故人何在舊遊如夢
清風明月野草荒田俯仰無清高歌有恨四壁蕭條
久絕弦秋江晚但一聲河滿我自潛然

難

又和劉仲簡
九日韻

九日黃花淵明之後誰當汝
傳記龍山昨夜寒泉九
井帽輕似葉鬢戟如虬
庾扇面風孔林落照銀
海橫波十二樓閒笑道
那華亭上蔡再見何由
人生似我何求算惟有
高人高處遊笑如今別
駕前時方外塵埃半百
歲月如流如此連牆今
年不見一首猶勝萬戶
侯偷閒好便明朝有約
莫莫休休

又送春

春汝歸歟風雨蔽江煙
塵暗天况雁門扼塞龍
沙渺莽東連吳會西至
秦川芳草迷津飛花擁
道小為蓬壺借百年江
南好問夫君何事不留
留連江南正

嘉惠堂鈔本

西

肯

是堪憐但滿眼楊花化
白氈看兔葵燕麥華清
宮裏蜂黃蝶粉凝碧池
邊我已無家君歸何里
中路徘徊七寶鞭風回
處寄一聲珍重兩地潛
然

又

笑貢生狂日日彈冠西
望王陽待泥封屢下蒲
輪不至賣瑯琊產辦舍
人裝厚祿故人黃金有
術何不分伊肘後方他
年老三千里外八十思
鄉何如吾壽華堂在丞
相東山舊第傍任王人
親至不妨高枕吾州盛
事更短隣牆我學希夷
邀我共坐遊戲壺中日
月長山僧道成仙未晚
救火須忙

法駕導引

壽治中

棠陰日棠陰日清美近花朝共喜治中持福筆春當
霄漢布寬條蘭蕙雪初消和氣滿和氣滿生意到
漁樵清徹已傾螺子手黑頭宜著侍中貂天馬擬歸
朝

又壽治中

蟠桃熟蟠桃熟一熟一千年比似相公年正少朱顏
綠鬢錦蟬連肉色更光鮮西江好西江好春雨碧
粘天見說內家消息近佳人拜舞壽觴前扶醉起金
鞭

又壽劉侯

兒童喜兒童喜戲壽摘山桃篁峒鳴榔成鬼火花村

嘉惠堂鈔本

買犢賣蠻刀惟有使君勞燕山桂燕山桂猶帶賈
家香月破一枝金粟滿囊中玉屑擣成霜和露入霞
觸

又壽吳蒙菴

金莖露金莖露絕勝九霞觴按碎菊花如玉屑滿盤
和月嚙風香不老如丹方六十七六十七七歲見
端平記得是秋除目好近年大路到南京楚製起諸
生

又壽湖潭東

春小小春小小梅漸著些些未必神仙無白髮依然
林下有黃花潭影浸流霞冬十冬十冬十亥字雁

是

斜斜不用瑤池偷碧實不須勾漏博丹砂其子新漳浦縣尹
陰德遍人家

又壽城山用壽
胡潭東韻

臣尚少臣尚少少似此翁些點半點班今似雪飛來
飛去自如花醉眼看紅霞 人間事人間事倒杖柱
頭斜冷冷清清水下水吞吞忍忍飯中砂選到老人
家

又

天正子天正子亥正較差些床下玉靈頭戴九手中
銅葉錦添花乞汝作飛霞城山以石龜為壽桐荷葉盛之 遼東鶴
遼東鶴無語鶴頭斜塵土不知灰變縞周遭會見項

嘉惠堂鈔本

成砂城郭待還家

又壽胡
盤居

盤之水盤之水清可濯吾纓我與盤山疎一月黃花
滿意繞荒城懷抱向誰傾 十之十十之十十到
千齡我與盤仙同一月不占甲子後先晴携手看昇
平

又代壽
丹山

東風雨東風雨河漢洗蓬萊只見丹山高萬丈不知
古驛路傍埃到海幾時回 二月八二月八長見醉
桃腮天上玉堂懷舊草面前金鼎又無梅除是老翁
來

又壽劉仲簡

五月五五月五細雨綠菖蒲早是高花開九節花堪
結子節堪扶持此揆初初長命縷長命縷兒女漫
區區何似屏星南極裏清如寒露在冰壺一府號僊
儒

水調歌頭壽詹天

鶴會正陽後又為此公來向時圯上不似魁梧出塵
埃少日河東賦手醉裏新豐對草談笑上金臺太子
少靈氣馬客豈僊才紫貂裘駭犀劍鸚鵡杯龍涎
沉水是淺薄命有人猜聞說老僊清健想見風姿皓
偉天語快行催鳧芻看雙去槐第似親戚

嘉惠堂鈔本

裁

又壽晏雲心

五五復五五二八且重重後天先甲如此滿月喜相
逢一日須傾三百月小又輸一日不滿九千鍾但願
客常滿莫門海樽空賦長篇賡短韻剽談叢亂來
風月自美一橋雨哀翁幾見東陵瓜好又看西隣葵
爛半醉半醒中偶得洞賓像混混起相從

又謝和溪園來壽

夫子惠收我謂我古心徒閒居有客無酒有酒又無
魚報道犀兵遠墜問訊陳人何似陳似隔年萸天壤
亦大矣知有孔融乎白雪歌丹元簪赫蹠書洪崖
何自過我便作授經圖溪園號洪崖處士教我天根騎月謂

贊

念四為騎月 規我扶搖去意餐我白芝符五芝惟白芝名白符

從此須溪里更着赤松湖僕故居須山之陽日須溪山即公行窩故云東陽記

有赤松湖云赤松子安期生共傳於湖間也

又壽周溪園并序

天九積陽月半將望恭惟某官處定問氣西

江耆英喬木南山為人父為眾父光風霽月

有一天有二天固宜十萬戶之民同致八千

秋之祀某俚歌水調上贊金丹輒陳宗工竊

幸微晒

先生豈我輩造物乃其徒荷衣自放林壑亦未棄銀魚留得東籬晚節笑倒龍山秃帽一醉插茱萸天下

嘉惠堂鈔本

有大老攜手盍歸乎 別頭經三書夢一編書向之
麟者止矣且看老溪圖麻遍後天既未依約明朝三
五乾體適當符還以奉公壽不是講鵝湖

又耐軒壽客日是類吾子且三疊前水調以證
顧公於是某得自號為小耐矣雖甚無似不敢當

佳語

似似不常似似我一生徒自畫自畫龍種忽近海飛

魚大笑北宮稱弟北宮子謂西門子曰吾年兄弟也

子也愛憎亦遂使西河疑女同氣自椒萸且謂杜公

者即是老君乎 日給華芎藭本薛羊書馬師真只

這是可是甃浮圖大小盧同異異天下使君與操但

推

久虎銅符說甚左眼痣已過洞庭湖

又

自龍眠李氏夜過睢仙康氏走筆和其家燈障水調迴暮始歸

不成三五夜不放霎時晴長燈街火三兩到此眼方明把似每時庭院傳說箇般障子無路與君行攜手復却手都是斷腸聲適有數少年作此者漏通曉燈收市人下棚中山鐵馬何似遺恨香難平一落操搗聲憤再見大晟舞罷樂事總傷情便有塵隨馬也任雨霖鈴

又

中秋占

明月幾萬里與子共中秋古今良已如此寂寂幾時留何處胡笳三弄尚有南樓餘興風起木颼颼白石四山立玉露下平洲醉青州歌赤壁賦黃樓人間

嘉惠堂鈔本

安得十客譚笑發中流看取橫江皓彩猶似沉河白壁光氣徹天浮舉首快哉去燈火見神州

又

癸未中秋吉文共馬德昌泛江

羣動各已息在汝夢中遊塵埃天地如水兒女不堪愁寂寂古人安在冉冉吾年如此何處有高樓客有洞簫者淚下不能收庾臺在秦樓渺楚樓休知公所恨何事不是為封侯自有此山此月說甚何年何處重泛木蘭舟起舞酌英魄餘憤海西流

又

寂寂復寂寂此月古時明銀河也變成陸灰劫斷槎橫麻落英雄孺子滅歿龍光牛斗勝敗黯然平玉笛

叫空濶終有故人情 雁南飛鳥繞樹鶴歸城問君
有酒何不鼓瑟更吹笙我飲馬鳴起舞我無傲傲白
髮顧影可憐生舊日中秋客幾處處回晴

又

丙申中秋兩道人出示四十年前濯纓樓
賞月水調離仙和意已盡明日又續之

此夕酌江月猶記濯纓秋濯纓又去如水安得主人
留舊日登樓長笑此日新亭對泣禿鬢冷颼颼木落
下極浦魚鳴發中洲 芙蓉閣鴛鴦閣鳳凰樓夜深
白露紛下誰見濕螢流自有此生有客但恨有魚無
酒不了一生浮重省看潮處今夕是杭州

又

和馬觀
復中秋

不飲強須飲不飲奈何明也曾劬禿當了依舊滑如

嘉惠堂鈔本

冰一吸金波蕩漾再吸瓊樓傾倒吾杓亦長盈試入
壺中看只似世閒情 飲連江江連月月連城十年
離合老矣悲喜得無情想見淒然北望欲說明年何
處衣露為君零同此大圓鏡握手認環瀛

又

和巽吾
觀荷

仙掌下馳道清露滴芙蓉無際似酒初醒身世笑顰
中萬朵花燈夜燕一葉扁舟海島寂寂五更風誤賞
明粧靚愁思滿青銅 陂六六三十六渺何窮江南
曲曲煙雨誰是醉施翁但恨才情初老無復風流曾
夢縹緲賦驚鴻寄語清淨社小飲合相容

又

甲午九日
牛山作

不飲強須飲今日是重陽向來健者安在世事兩茫茫
茫叔子去人遠矣政復何關人事墮淚忽成行叔子
淚自墮湮沒使人傷 燕何歸鴻欲斷蝶休忙淵明
自無可奈冷眼菊花黃看取龍山落日又見騎臺荒
草誰弱復誰強酒亦有何好整醉得相忘

又

辛巳前八月九日夜自黃州步歸蕭英甫以舟汎予艤本覺寺門外夜深未能睡明日為

賦此寄之

山水無宿約村暗自當還不知有客乘興載我弄滄
灣酒吸明河欲盡月落三星在下未放水風間影轉
松起舞扶步入林間 恨無人橫野笛叫關山知君
慷慨何事惜得米陽關看取大江東去把酒凄然北

嘉惠堂鈔本

望說著淚潺湲我飲自須盡君唱有何難

又

予初入建府觸官妓於馬上後於酒邊妓自言故賦之

雨聲深院裏歌扇小樓中當時飛燕馬上妖艷為誰
容嬌鸛須扶未穩腰裏輕籠小駐玉女最愁峯掠鬢
過車驟回首意冲冲 寶釵斜雲鬢亂幾曾逢誰知
去三步遠此痛與君同玉筍殘粧誰見懶隨輕痕妙
補粉黛不須濃重見為低訴餘痕更匆匆

又

和王槐城自壽

未信僊都子曾識老仙翁仙都槐城所領宮觀卿卿少年去後
心與道人同揮塵不須九釣開闔苦無長物問日醉
千鐘一笑欠伸起兒戲大槐中時槐城友彭昉招

恨

園綺傲喬松年來多貫世事莫莫惱司空等得三朝
好老恰則而今虛左梅信已先通富貴政不免從此
學癡聾

又

百千孫子子八十老翁翁人間天下清福閱世苦難
同誰歎東門獵倦誰笑南陽舞罷萬事五更鐘但願
人長久聊復進杯中 故侯瓜丞相柏大夫松諸公
健者安在春夢轉頭空可笑先生無病病在枕流漱
石福至在自然通聾者固多笑一笑更治聾

我有此容不難作主人翁少年自不相似偶與大年

同

先生與槐城同見說東廂諸少政擁家君勝會二
月生先後三日

嘉惠堂鈔本

秣

八舞歌鐘亦欲得公重公在畫中 笑青蒿真小草
倚長松典衣欲作湯湯餅家釀媿餅空公有潭州百
斛公有祿田二頃賀客萬錢通小大不相似但可以
公聾

又 和馬觀復石
頭渡寄韻

明明隔千里風動帳紋開故人錦字如夢夢轉雁初
來倚遍西山朝爽行過石頭舊渡久別忽輕懷不得
與之語日夕獨持杯 調綠水歌白雪有心哉也知
尻高啄俯無計脫塵埃狗尾貂蟬滿座身帶鷓鴣弄
粉一與一臣臺歲晚不如願誰更忿灰堆

又

臘二十一日
可遠堂索賦

容

朱村

落日半亭榭山影沒壺中蒼然欲不可極迢遞未歸
鴻錦織家人何在春寄故人不到寂寞聽疎鐘木末
見江去無雪著漁翁 詞春容歌慷慨語玲瓏歲云
暮矣相見明日是東風遠想使君臺入攜手與人同
樂中夜說元龍世事無足語且看燭花紅

又和彭明叔七夕

不見古時月何似漢時秋米陳春裏新樣新婦又騎
牛欲脫參前氏後別說二經也又說河邊河鼓此會沒
來由何處設瓜果謂今日好事香動歎溝窰高麗為城為溝窰
郭郎者即與誰為理豈情流人間睡五日五日復何
悠吾腹空虛久矣子有滿堂錦繡犢鼻若為酬王友

嘉惠堂鈔本

臨安七夕酒名此時好空負萬巾笏

又

天地有中氣第一是中元新秋七七月出河漢斗牛
間政是使君初度如見中州河嶽綠鬢又朱顏莖露
一杯酒清徹瑞人環 大暑退潢潦淨彩雲班三壬
三甲厚重屹不動如山從此五風十雨自可三年一
日香寢鎮獅蠻起舞願公壽未可願公還

又陳平章即席賦

夜看二星渡高會列羣英蒼頭白髮烏帽風入古槐
清客有羽衣來者仍是尋常百姓坐覺孟公驚且勿
多酌我未厭我狂醒 金瓶啟銀信喜衮衣新向來

淮浙草木隱隱有餘聲聞說井欄砂語感念石壕村
事傾耳發驚霆舉酒奉公壽天意厚蒼生

又和尹存吾

造物反乎覆白首困耆英吟風賞月石上一笑再河
清一百八盤道路二十四橋歌舞身世夢堪驚獨醒
未能醉已醉驀然醒別與老鷺相見幾回新來時
燕棲未滿耳又蟬聲聞憶錢塘江上兩點青山欲白
血石起舞霆此事復安在相對說平生

金縷曲代賀丞相有序

恭審天開歷甲且應生申鐘三光五嶽之英
五百年生名世處前右當冷之會千萬世間

嘉惠堂鈔本

太平某諭望門墻伏深贊頌積枕依永奏伎
詞小上犯鈞嚴不勝懷恐慶拊之至

曉殿龍光起卸香濃新詩寫就雲飛相第一自騎箕
承帝賚千載君臣魚水端不負當年弧矢赤壁周郎
神遊處料羞自故壘斜陽裏今共看更無比尊前
若說平生事歎長江幾番風浪幾人膽碎數載太平
豐年瑞三百年間又幾想皇揆初心應喜漸近中秋
團團月算人間天人俱清美祝千歲似甲子

又壽繆守

秋老寒香圃自春來桔槔閒了二天尺五陌上路歌
來何暮收得黃雲如土但稽首福星初度不是使君

人門佛甚今朝欲雨今朝雨持壽酒為公舞 虎頭
畫手誰堪許寫天人方腫紅頰共竇笑語衛戟連營
三千士簇簇滿城簫鼓早恐是留公不住飛去翩翩
嫌白鷺算年來希姓多登府祝千歲奉明主

又奇番總管用
耐軒生日

春入番江雨滿湖山鶯啼燕語前歌後舞聞道行
行且止却聽譙樓更鼓正未卜陰晴同否老子胃中
高小苑道精神堪更開封府新治足舊民苦 扁舟
浩蕩乘風去看采衣思賢堂上壽觴明舉六十二三
前度者敢望香山老傅又過了午年端午采采菖蒲
二三節寄我公矯矯扶天路重歸袞到相圃

嘉惠堂鈔本

又壽李公
謹同知

我誤留公住看人間猶是重陽滿城風雨父老棠陰
携孺子記得元宵歌舞但稽首烏烏無語我有桓箏
千年恨為謝公目送還雲撫公不樂尚何苦 吾儂
心事憑誰訴有誰知閉戶窮愁欲從之去聞道明朝
生申也滿酌一杯螺浦又知復明年何處天若有情
西江者便使君驄馬來當道香辦起勝金縷

又和同姓草叔曲本胡
端逸見壽韻並謝

忘却來時路恨蒼蒼寒冰棄我江南間處早知今知
今如此何不老農老圃更種箇梅花深在凍雨前朝
浯溪石對蒼苔墮淚憐臣甫山似我兩眉聚 歲云

住

解

暮矣如何度但多情寂寥相念二三君子越石莫年
扶風舞猶鮮聞雞起舞恨不減二三十歲一曲相思
碧雲合醉馮君為我歌如縷君念我似同祖

前調

壽陳靜山

昨醉君家酒從今十萬八千場未疎老友人道水僊
操格俊不許梅花殿梅也但贏得一年年瘦迤邐聚
星樓上雪侍天風浩蕩重攜手酌君酒獻君壽 年前
春入燕臺柳看聯翩翩輩金鞭長楸承受豈有中朝
甌覆久更落閩山海口端自有玉堂金斗我喜明年
申又酒但乞漿所得皆醇酣拚醉裏送行勳

前調

壽朱氏老人七十三歲

嘉惠堂鈔本

後

醉

書

猶

下有脫又

七十三年矣記小人四百四十五番甲子看到蓬萊
水清淺休說樹獨如此但夢夢昨非今是一曲尊前
離鸞操撫銅僊清淚如鉛水歌未斷我先醉 新來
畫得耆英似似壩橋風雪吟肩水仙梅弟里巷依稀
靈光在飛過劫灰如洗笑少年伴烏衣餘幾老子平
生何曾默 號默軒

前調

和潭東勸飲壽觴

拍甕春醅動洞庭霜壓綠堆黃林芑堪貢况有老人
潭邊菊搖落賞心入夢數百歲半來許中 俗語 兒女
牽衣團樂處繞公公願獻生申頌公性澀待重風
人生一笑何時重奈今朝有客無魚有魚留凍何似

尊前班斲起低唱淺斟齊奉也不待烹龍苞鳳此會
明年知誰健說邊愁望斷先生宋時宋京議和醒最苦醉
聊共

前調

絕北寒聲動渺黃昏葉滿長安雲迷章貢最苦周公
千年後正與莽新同夢五十國紛紛入中搖颺都人
歌鄙塢問何如昨日崧高頌臚九錫竟誰風當初
共道擎天重奈天教垓下風寒滹沱兵凍寂寞放翁
南園記帶得園柑進奉帳回首何人修鳳寄語權門
趨炎者這朝廷不是邦昌宋真與鷹可能共

前調

杜叟陳君風誼動人歲一介壽我辭華蔚
然至謂我黑漆則久不相見故耳為此發

嘉惠堂鈔本

雁

狼

歌

吾鬢如霜藥自江南西風塵起倒騎秃尾舊日汾陽
中書令何恨門生兒子到今也陸沉草昧醉裏不行
西州路但斗間看望成龍氣聊寂寞自相慰 夫君
自是人間瑞歎生兒當如異日孫仲謀耳健筆風雲
蛟龍起人物山川形勢猶有封狼居胥意伐木嚶嚶
出幽谷問天之將喪斯文未吾待子望如歲

前調

和夔竹鄉
客中韻

何處從頭說但傾尊淋漓醉墨疎疎密密看取兩輪
東西者也是樊籠中物這光景年來都別白髮老人
隆中像壁問有武侯
像旅中坐對笑相逢對擁爐邊雪又過了上

元節 紙窓旋補寒穿穴柳黏窓青青過雨勸君休
折睡不成酣酒先醒花底東風又別夜復夜吟魂飛
越典却西湖東湖住十三年不出今朝出容易得二
三月

前調 賀趙松廬

歲事崢嶸甚是當年爆竹驅儼插金幡勝忽曉闌街
兒童語不為上元燈近但笑揀梅簪公鬢莫恨青青
如今白願年年語取東君信中未墮笑重整 他年
不信東風冷鼓連天銀燭花光柳芽催迸漫說沉香
亭羯鼓自著錦袍吟凭待吹徹玉簫人醒不帶汝陽
天人福便不教百又餘年剩歌此曲休辭飲

嘉惠堂鈔本

前調 壬午五日

葉葉跳珠雨裏湖通十里紅香畫橈齊舉昨夢天風
高黃鵠下俯人間何許但動地潮聲如鼓竹閣樓臺
青青草問木棉羈客魂歸否 西湖裏河荷花最盛賈
似道建第葛嶺與竹閣
為隣裏湖由是禁不往來
似道貶死漳州木棉巷 盤泣露寺鐘語 夢回酷
似靈均苦歎神遊前度都非明朝重五滿眼離騷無
人賦忘却君愁弔古任醉裏烏烏縷縷渺渺茂陵安
期更共鄔池夜別還千楚采澗綠久延伫 廣州蒲欄
寺安期生
家也始皇嘗至其家共語三日夜今其
地猶產菖蒲十二節生服菖蒲得仙者

前調

襟淚冷冷雨料騷魂水解千年依然輕舉還看吳兒

叟

婁

骨濤上高出浪花幾許絕倒是東南旗鼓風雨蛟龍
爭何事問絲絲香粽猶存否溪女伴采蓮語 古人
不似今人苦漫追談少日風流三三五五誰似鄱陽
鴨夷者相望懷沙終古待喚醒重聽金縷尚有遠遊
當年恨恨南公不見秦為楚天又暮黯癡佇

前調 五日
和韻

錦岸吳船鼓問沙鷗當日沉湘是何端午長恨青青
朱門艾結束腰身似腰空淚落嬋媛女我醉招累
清醒否平生清又醒還誤累笑我醉中女 黃頭無
棹臨江處向人間獨競南風叫風激楚笑倒兩崖人
如蟻不管无波千屢忽驚抱汨羅無柱 間兩日觀
渡有溺者歎

嘉惠堂鈔本

乃漁歌斜陽外幾書生能辨投湘賦歌此恨淚如縷

又 古巖和去年九日約
登高韻再用前韻

破帽吹愁去繞郊墟殘灰敗壁冷烟斜雨舞馬夢驚
城烏起散作童言妖竈語漫說與謝仙一句猶記醉
歸西州路問行人望望驪烽誤未失喪公屨 高高
况是興亡處望平沙落日湖光暗淮沉楚寂寞西陵
歌又舞疑冢嵯峨新土 金人為曹操
疑冢增土 黯牛笛參差歸路試
問文君容賒否待東籬更就黃花浦拚酩酊浣藍縷

又 丙戌
九日

風雨東籬晚渺人間南北東西平蕪烟遠舊日携壺
吹帽處一色沉冥何限天不遣魄消腸斷不是苦無

粟瘦

看山分料青山也自羞人面秋後庾老來倦 驚回
昨夢青山轉恨一林金粟都空靜無人見默默黃花
明朝有只待插花尋伴又誰笑今朝蝶怨潦到玉山
休重醉到簪庾忍待人頻勸今又惜幾人健

又九日
即事

與客攜壺去望高高半山失却滿城風雨何許白衣
人邂逅小立東籬共語未怪是催租斷句寂寞午雞
啼三四悄老人橋上前期誤卿且去整吾屨 寒空
舊是題詩處莽雲烟纏蛟舞鳳東吳西楚千古新亭
英雄夢淚濕神州塊土歎落日鴻溝無路一片沙場
君不去空平生恨恨王夷甫憑半醉付金縷

嘉惠堂鈔本

又登高華蓋嶺
和同道韻

攜手登高賦望前山山色如烟烟光如雨少日憑欄
峰南北誰料美人遲暮漫回首殘基冷緒長恨中原
無人問到而今總是經行處書易就雁難付 斜陽
日日長亭路倚秋風洞庭一劍故人何許寂寞茶桑
寒花外還有白衣來否但哨遍長歌歸去尚有孔明
英英者張孔明自是英英誤歌未斷鬢成縷

又絕江觀桃
座間和韻

問何年種植獨成蹊穠華爛熳錦開千步花下老人
猶記我不似那回賞處并吹却道邊謝墅黃四娘家
今何在也飄零俱向前村住千萬恨寄紅雨 攜壺

藉草行歌暮記前宵深盟止酒况堪扶路破手一杯
花浮面不覺二三四五更竹裏顛狂崔護試語看花
諸君子但如今俯仰成前度君不見曲江樹

又聞杜

少日都門路聽長亭青山落日不如歸去十八年間
來往斷予往來秀城十七八年自白首人間今古又
驚絕五更一句道是蜀天流離子甚當初一似吳兒
語臣再拜淚如雨 畫堂客館真無數記畫橋黃竹
歌聲桃花前度風雨斷魂蘇季子春夢家山何處誰
不願封侯萬戶寂寞江南輪四角問長安道上無人
往啼盡血向誰訴

嘉惠堂鈔本

又

古巖取後村和韻
示予如韻答之

一笑披衣起笑昨宵東風似夢韓家蘆李白髮紅雲
溪上叟不記兒孫年齒但回首秦亡漢駛苦苦漁郎
留不住約扁舟後日重來此吾已老尚能埃 少年
未解留人意恍出山紅塵吹斷落花流水天上玉堂
人間改漫疑乃聲千里更說似玄都君子聞道釀桃
堪為酒待釀桃千石成千醉春有盡甕無底

又

鄉校張燈賦者
迫和勉強趨韻

燈共牆檠語記昨朝芒鞋蓑笠冷風斜兩月入宮槐
槐影澹化作槐花無數恍不記鰲頭壓處不恨揚州
吾不夢恨夢中不醉瓊花露空耿耿吊終古 千峰

林

數府

萬蝶春為主張何人老憶江南北朝開府看取當年
風景在不待花奴催鼓且未說春丁分俎一曲滄浪
邀吾和笑先生尚是邯鄲夢如東萊續殘炬

摸兒兒

和柳山悟和尚與
李同年嘉龍韻

漸無多詩朋酒伴東林復幾人許舊時公子西湖柳
詞與東風塵土重記否那月月下旬且避何人疏當
朝自負甚墮髻愁眉滕韞短後一往似儻父當年
事傷心說庾開封人生無百年慮虎頭燕領人間肉
不是密翁做今又是古楚對凡亡為是凡亡楚朝暮
暮聽畫角樓頭嗚咽未斷重數五更鼓

又

和謝李
同年

嘉惠堂鈔本

數

記玄都看花君子一生恨奈何許青雲紫陌悠悠者
幾箇玉人成土今在否但四海九州屈指從頭疏吾
年空負看射虎南山遭逢醉尉何須飲田父神清
夢也是堂堂歐府此中無破頭慮種槐不隔鞭蛆惡
更祝二郎兒做蒼蒼古漫年又一年老却南公楚池
塘春暮笑步步鳴蛙看成兩部正似未忘鼓

又

二百年人間天上遽如許遽如許落花寒食東風雨
漠漠長陵杯土魂歸否怕些不分明又墮人箋疏且
無相負記昔與諸賢共談洛下曾識老人父牛衣
淚冷落開雞東風塵曾獨深慮子規聲斷長門曉春

杯

聞

夢不堪重做千萬古但目極心傷宛轉虞兮楚江東
日暮想野草荒田而今何處不待雍門鼓

又和韻

道醉鄉無邊無岸一尊到彼殊徑是間轉海人門處
尺把不教渠尊前亦瘦問一斗消醒一石猶難信臨
風小等記我友醒狂相從有意中路恨羌永梅花
晚早已雪堆予鬢此花甯復風韻空寒獨倚天為主
天又幾時曾定今為晉看秦女山中綠髮垂垂頂百
年一瞬歎高臥北窗間過五十無說答形影

又辛巳冬和中齋梅詞

記歌頭辛壬癸甲烏烏能知誰曉梅花不待元宵好

嘉惠堂鈔本

雪月交光獨照愁未老更老似渠鬢冷面迎相笑君
詞定峭但減十年前偎桃傍李肯獨為梅好山中
好可但一枝春早道邊無限花草未嘉榮共何哉在
還憶永新嬌小明年了又喚起流鶯又自愁鴉叫東
皇太昊更不是瓊花香無半點一笑使人倒

又和巽吾留別韻

懶能看海桑世界風花過眼如傳月明昨夜庭流水
天色朝來都變成石爛銖衣壞和衣減畫誰能怨秦
亡楚倦但剪燭西窗秋聲入竹點點已如霰當年
事本是泗亭沛縣却教綿葩成殿暮年八陣那曾用
付與江流石轉前楚辯今宵遍是烏烏者燈前勸乾

絕

須溪詩
坤較健歎君已歸休吾方俯仰種種未曾見

又暮春

渺斜陽村烟酒市獨教王謝如此漁翁夢入江頭絮
寂寂平安西子東風起東風起種桃千樹皆流水橋
邊萬里甚老子情鐘明朝後日又灑送春淚 青過
雨歷歷遠山如洗暮雲堪共誰倚諸賢洛下風流散
輕薄紛紛餘幾聊爾爾問世事何如自喫殘花藥金
洞劍履但陌上相逢摩挲一笑鑄此幾時矣

又甲午送春

又非他今年晴少海棠也凭空過清羸欲與花同夢
不似蝶深深臥春憐我我又自憐伊不見儂賡知己

嘉惠堂鈔本

和

無可奈但愁滿清漳君歸何處無淚與君墮 春去
也尚欲留春可可問公一醉能頗鐘情剩有詞千百
待寫招招招些休阿那阿那看荒荒得似江南麼老
夫婆婆問籬下閒花殘紅有在容我更簪朵

又今歲海棠開半月然一夕
如雪無欲予者賦此寄恨

見他家絳唇翠袖可容卿有功不相思不到胭脂井
尺隔東林烟柳春去又漫一夜東風吹得花成舊無
人舉酒但照影堤流圖他紅淚飄洒到襟袖 人間
事大半歸謀諸婦不如意十八九敲門夜半窺園李
赤脚玉川驚走何處有更炎燭風流看到人歸後休
休回首笑舊日園林佳巢 曾園洞中樓名 蜀錦 亭名 處處可

攜手

又酒邊留同年
徐雲屋三首

怎知他春歸何處相逢且盡尊酒少年瀟瀟天涯恨
長結西湖烟柳休回首但細雨斷橋憔悴人歸後東
風似舊問前度桃花劉郎能記花復認郎否君且
住草草留君剪韭前宵正凭時候深盃欲共歌聲滑
翻濕春衫半袖空眉皺看白髮尊前已似人人有臨
分把手歎一笑論文清狂顧曲此會幾時又
正何須陽關腸斷吳姬勸人酒中年懷抱縈縈處看
取半烟和柳柳搖首笑飛到家山已是酴醾後留連
話舊問溪上兒童頗曾見我有此故人否相逢地

嘉惠堂鈔本

還憶今宵三韭

本語謂
廿七也

青山只見迎候東風自送歸

帆去吹得亂紅霑袖暮雲皺聽杜宇高高啼向無何
有江花垂手任春色重來江花更好難可少年垂手

垂手
舞名

待欲家山未得方知名不如酒丹砂便做金勾漏

難遣鬢青似柳試搔首記移竹南塘又是三年後情
懷非舊歎少日相如壚邊老去能賦上林否種蘭
處贏得青青種韭淵明中路相候何須更待三三徑
也自長拖衫袖袍皺便持當金貂賒取隣家有小兒
拍手笑昨醉如泥盟言上酒何事醒來又

又賦雲
東樓

拍

更比他東湖前度依然一榻如許深深是是誰家府
落日畫梁燕語簾半雨記湖海平生相遇亡賓主闌
珊春暮看城郭參差長空澹澹沙鳥自來去 江上
好立馬白雲飛處秦川終是吾土登臨笑傲西山笏
烟樹高高杜宇君且住况泉甘雙井汲遍茶堪煮歌
殘金縷恰黃鶴飛來月明三弄仍是岳陽呂

又
守歲

是疑他春來儻忽是疑歲別人去古今守歲無言說
長似酒闌情緒堪恨處曾親見都人戶戶銀花樹星
河未曙聽朝馬籠街火城簇仗御筆已題露 人間
事空憶桃符舊句三茅鐘自朝暮嚴城夜禁故如鬼

嘉惠堂鈔本

候

雨

况敢馮陵大噓瑟瑟但畫角聲殘已是新人故休思
前度 十加三明朝領取閒看五星聚

又
和中齋
端午韻

醒後醒行吟澤畔馬能思此終古招魂過海楓林暝
招得魂歸無處朝又暮但衣舊禁街人靜瑟瑟鼓畫
船沉雨聽款乃漁歌興亡事遠咽咽未能句 君且
住能歌吾不如汝悠然鼓枻而去滄州擊結芳成艾
喚作張三李五羞自苦更間却玉堂端帖多多許無
人自記把畫扇驚遷香羅雲底題作午年午

又
贈友

想幼安遼東歸後自羞年少龍首長安市上壚邊臥

鸞邊

在却快行家走空兩袖染醉墨淋漓把似天香透功名邂逅便六一詞高君謨字偉但見說行畫人間事苦似成舟無候神清苔字如鏤明年六十聞歌後頗記薄醺醺否兒拍手笑馬上葛疆也作家山友煩伊起壽更時復一中母多酌我疎影共三嗅

又 水東桃花下賦

也何須晴如那日欣然且過江去玄都縱有看花便耿耿自羞前度堪恨處人道是漫山先落坡翁句東風綺語坡海市語但適意當前來尋須賦此土亦吾圃海山石猶記芙蓉城——主婢過飛種成土是間便做僊家杏雖與一栽千樹朝又暮張二十五年臨路花

嘉惠堂鈔本

如故甲子初見人生自苦祇喚渡觀桃侵尋常世事奈何許

又

醉與君狂歌又笑不知當日何調孤山梅下吟魂冷說甚那時蘇小滄波眇奈此島纍纍竟是誰家表皆謂先正處也歸歟白鳥看四聖飄杳朱門金榜化化竺飛嶠哀也久舊遊夢翠禽繞玦兮軋皎兮窈相思一夜窗前白誰識予懷嫋嫋殘年了聽畫角悲涼又是霜天曉餘音杳縹歎五十之年我加八九君隔幾科詔

又 辛巳自壽年五十

是耶非吾年如此更癡更悔今昨狂吟近日疎於酒
轉似秋山瘦削渾未覺凭兒于門生前度登高弱情
懷又惡歎親友中年不堪離別况復久零落 長生
樂有分神仙難學人生聊復行樂百年半夢隨流水
半在南枝北萼妾命薄但寂寞黃昏時聽城樓角愁
無可著且取醉尊前明朝休問昨日已忘却

又壽王

城山

對尊前簪花騎竹老胡起起能舞春風浩蕩天涯去
惟有薰吟自語槐正午看萬戶蜂牒簾幙雙雙乳嬌
兒駭女漫學得琵琶依稀馬上總是主恩處 凌烟
像空倚臨風玉樹升沉事遠如許劉郎慣是瑤池客

嘉惠堂鈔本

牌

又醉碧桃三度花下數記三度三千結子多紅雨年
年五五共準擬塔庭釵符戲酒鳧鳧綴雙虎

須溪記

全



嘉惠堂鈔本



